

# Peo Ya Mofoka

 Bosiung bona ke kgethile bakeng sa sehlooho se se kgutshwane, kapa palo e kgutshwane, ha Morena a rata, ho re nea theroy a sona, ho tswa ho Mohalaledi Matheu 13:24 ho ya ho 30. Mme hape he ke—ke batla ho bala ho tswa ho 36 ho ya ho 40, metsotsong e mmalwa feela. Jwale Mohalaledi Matheu, kgaolo ya 13, le ho qala ka temana ya 24 ya kgaolo ya 13 ya Mohalaledi Matheu. Mamelang ka hloko palong ya Lentswe. Mantswe a ka a tla hlolleha, empa haele a Hae a ke ke.

*Jesu a ba beela setshwantsho se seng, a re, Mmuso wa mahodimo o tshwantshwa le motho ya jadileng peo e ntle tshimong ya hae:*

*Empa yare ha ho robotswe ke yena, ya mo hloileng a tla, mme a jala mofoka hara koro, a nto ikela.*

*Mme koro ha e se e hlahisitse makgaba, e se e tswetse, mofoka le wona wa bonahala.*

*Bahlanka ba mong a ntlo ba tla ba re ho yena, Morena, ha re re o no o jadile peo e ntle tshimong ya hao? na mofoka oo e o nkile kae?*

*Mme a re ho bona, ke ketso ya sera. Mme bahlanka ba re ho yena, Na ha o rate ha re...kga mofoka wona na?*

*A re, Tjhe; mohlomong ha le ekga mofoka, lona le ka tshoha le fothola le yona koro.*

*Di leseng tseo tse pedi di hole hammoho, ho be ho fihle kotulo: ke hona mohla ho kotulwang ke tla roma moo bakotudi, Helang mofoka pele, le o tlame mangata le o tjhese; le mpe le bokelle koro ka pokellong ya ka.*

<sup>2</sup> Na le lemohile, “Helang mofoka pele, le o tlame mangata”? Jwale, ho baleng hona, ho na le ntho e hlollang e ileng ya mphihlela nakong eo ke neng ke dutse hodima Dithaba tsa Catalina bosius bo bong, thapelong. Mme yaba ke a nahana, nka thola kae lenseswe leo nka le sebedisetsang sena seo ke neng ke batla ho bua ka sona bosius bona?

<sup>3</sup> Mme ka ntano theoha mme ka fumana lenseswe la *mofoka*, ka baka leo ka nka buka ya thhaloso ya mantswe mme ka sheba seo lenseswe *mofoka* le se bolelang. Mme le bolela tjena ke ho re “ho jala phapang,” kapa—kapa, “ho thulana,” jwalo ka ha Webster a bolela, “ho jala phapang, ntho e fapaneng,” kapa, “ho thulana le ho seng ho le teng.” Kahoo ka nahana, theroy a bosius bona, ke tla e rea: *Peo Ya Mofoka*. Le ho tshepa ha Morena a tla hlohonolofatsa Lentswe la Hae jwale re sa Le atamela.

<sup>4</sup> Mme hape re a tseba O hlalositse, temaneng ya 36 le—le ho isa ho 43, ka moo peo ena e ileng ya fihlela bophethehing. Mme re sa le ho yona, a re baleng feela le yona eo hape, temana ya 36 jwale ho ya ho 43.

Mme hobane *Jesu a kgutlise bongata, A kena tlung: mme barutuwa ba Hae ba tla ho yena, ba re, Re qaqisetse setshwantsho sa mofoka le tshimo.*

Mme *A ba araba a re, Ya jalang peo e ntle ke Mora motho;*

Mme *tshimo ke lefatshe; peo e ntle ke bana ba mmuso; mofoka ke bana ba e mobe;*

*Sera se o jalang ke diabolosi; kotulo ke bofelo ba lefatshe; bakotudi bona ke mangeloi.*

*Jwaloka mofoka ha o kguwa o tjheswa mollong; ho tla ba jwalo bofelong ba lefatshe lena.*

*Mora motho o tla roma mangeloi a hae, a tla kgetha mmusong wa hae dikgopiso tsohle, le ba etsang bokgopo;*

*Mme a ba lahlele mollong, seboping sa mollo: mme moo seboko, kapa dillo di tla ba teng le ditsikitlano tsa meno.*

*Mohlang oo ba lokileng ba tla kganya jwalo ka letsatsi mmusong wa Ntata bona. Ya nang le tsebe...a utlive.*

<sup>5</sup> Ke Jesu eo ya fanang ka tlhaloso ya setshwantsho, ka bo-Yena, kahoo re tseba seo tlhaloso e se bolelang. Mme jwale ha re atamela taba ena, ena ya tjalo ya peo le—le kotulo, jwale O a se hlalosa. Mme hape ke dumela ha Jesu a ne a bolela setshwantsho sena tsatsing la Hae, empa ka ho lekanya ha se tla hlaha pheletsong ya lefatshe, kapa, pheletso ya mongwahakgolo, e leng tsatsi *lena*. Mme ke dumela ha sehlohonyana sena bosiung bona se loketse hantle horeng eo re phelang ho yona, hoba mona Jesu o boletse ka ho kgetholoha hore “ho tlangwa ho tla phethwa pheletsong ya lefatshe lena,” moo ke hona pheletso e tla hlaha; pokello ya koro, mme hape le pokello ya mahola le ho tjheswa ha wona, le ho nka koro ho e kenya Mmusong. Mme ke kgolwa hoba e ne e le ka mokgwa ona.

<sup>6</sup> Mme Lengolo le leng le ntshusumetsang ho dumela ka mokgwa ona, ke ngotse fatshe mona, ke Matheu 24:24, moo le boletseng hobane, le buang ka—ka bodulo, peo ya mofoka. Jesu o boletse ha bobedi bo tla bapa hakana mmoho hoo ho ka thetswang le bona Bakgethwa hola e le ntho e ka etswang. E batla e eba ntho e tshwanang.

<sup>7</sup> Sebakeng se seng Lengolong moo ho ngodilweng, hore pula e nesetsa ba lokileng le bakgopo.

<sup>8</sup> Ke hopola boiphihlelo ba ka ba pele le ka mohla ba ho kena hara batho ba Pentekosta. Ke ne ke le Mishawaka, Indiana. Mme ke le sebokeng se seholo, holong e kang ena, moo batho ba Leboya le ba Borwa ba neng ba bokane hammoho. Ka baka la matsatsi ao, a kgethollo, ba ne ba loketse ho kopana hodimo mono. Bao e le mekga e meholo e mebedi ya baena ba Pentekosta. Ke ne ke eso ho ka ke utlwela ka bona leha e le ho kopana le bona pele. Kgetlo la pele nkileng ka utlwa ho buuwa ka dipuo. Mme pheletsong ya mola, ya seboka... Nna kaha ke ne ke se setho hara bona, ke ne ke le moreri e motjha wa Baptise, ke ne ke dutse morao motsheo. Mme ke hopola kgetlo la ho qala le ka mohla nkileng ka utlwa motho a buwa ka dipuo, ke sa tsebe le hore ke eng—ke eng. Mme banna bana ba babedi he, haholo-holo, ba dutse kapele, e mong o na bua ka dipuo mme e mong a fetole seo monna a se bolelang. Ka mokgwa wa teng, ka qalella ho batlisisa Bibebe yaka ka thata kamoo ke neng ke kgona, moo he, mme ka fihlela ha taba eo e ne e dumelana le Mangolo. Ke hantle feela seo Lengolo, Moya o Halalelang o yeng o se etse.

<sup>9</sup> Tjhe, ntho e ka etsang letsatsi morao ho moo... Bosiung boo pelo yaka e futha. Ka robala tshimong ya koro. Ke hloka tjhelete e lekaneng ho ka iphumanelo e—e—e moalo, ka hona feela ke ena le tjhelete e lekaneng ho ya hae, mme ka fumana didonatse tse mmalwa, di dutse matsatsi a mmalwa e le tsa kgale, kapa dirolo, e ne e le tsona, bakeng sa dijo tsa ka tsa hoseng. Mme ke ne ke amohetswe ho ja le bona, empa ke hloka tjhelete eo nka e kenyang. Matsatsing ao, e ne e le ka tlala ya sekoboto, 1933, kahoo e le—e ho ne ho phelwa ka thata. Mme kahoo ke nahane, “Ebe, ke tla... Ha ke batle ho ja le bona, empa ke batla ho tseba seo ba nang le sona. Ba na le ntho e nngwe eo ke se nang yona.”

<sup>10</sup> Kahoo hoseng ke ne ke... ba nkopa, “Bareri bohole ba tle kalaneng mme o itsebise feela, hore o mang, hore o tswa kae.”

<sup>11</sup> Tjhe, ka—ka re feela, “William Branham, moevangedi, Jeffersonville,” ka dula fatshe. Jwale he, mohlang oo ke le moreri e motjha ka ho feta kalaneng. Mme tsatsing le hlahlamang ba mpitsetsa kalaneng ho bua. Mme hoba ke bue, kgidi, ra ba le monyaka o moholo, mme he ka qala ho kopana le batho ba fapaneng ba mmemela dikerekeng tsa bona. Yare hoba ba...

<sup>12</sup> Ka morao ho moo, kgidi, ke nahane, “Ha feela ke ne ke ka fihlela moo banna bana ba babedi ba baholo ba buileng ka dipuo ba leng teng le ho fetola!” Hoo ho ne ho tjhesa ka pelong ya ka, ke ho batla ruri. Ka mokgwa wa teng, jwalo kaha ke le boleletse tshimolohong, neonyana eo eo o e fihlelang. Le a tseba, dineo le dipitso di ttle ntile le pako, o na le tsona bophelo bohole ba hao, o a bona, o tswalwa le tsona, haeba e le dineo tsa Modimo. Ka baka leo kamehla ke, ho tloha ke sa le

leseanyana le le nyenyane, di ne di ntlhahela ka mehla, batho ba ntsebang bophelo bohole ba ka, ba a tseba hoba hoo ke nnene. Ka mokgwa wa teng, ha ne nka nahana... Ke ne ke sa tsebe hore ke eng nakong eo, ka e bitsa pono, feela ke sa tseba hore e ne e le eng. Empa ka nahana, "Ha feela nka bua le bona le ka mohla!" Ka mokgwa wa teng, le moyo o neng o le ka mohahong eka ke Moya wa Modimo ruri.

<sup>13</sup> Kahoo ka—ka bua le e mong wa bona, mme ka mmotsa dipotso tse mmalwa, mme e le Mokreste wa nnene wa makgonthe. Ho ne ho se pelaelo ya letho ka hoo, monna eo e le modumedi wa sebele. Mme monna ya latelang, ha ke ne ke bua le yena, haeba nkile ka kopana le moikaketsi le ka mohla, eo e ne e le e mong wa bona. Monna eo hantle-ntle o ne a... Mofumahadi wa hae e le mosadi ya nang le hlooho e tshehla, mme a tswetswe bana ka... bana ba babedi ka mosadi ya hlooho e ntsho. Mme ka nahana, "Tjhe, ho ka thweng jwale? Ke mona jwale, ke—ke ferekane ka hohle. Ke motho ya dumelang dithuto tsa motheo; e tlamehile ho ba Lentswe, ho seng jwalo ha e a loka. Mme Moya oo ke wona, e mong o utlwahetse, ho ya ka moo ke tsebang ka hohle, a hlwekile; athe e mong a sa loka ho hang; homme Moya o tsholohela hodima bona bobedi. Jwale, ho ka tla jwang?" Ka, e ne e ntharile.

<sup>14</sup> Dilemong tse pedi tse latelang, ke ne ke ntse ke rapela lehaheng moo ke neng ke ye ke ye ho rapela. Ho le lepoqo ka lehaheng, mme thapameng e nngwe ka tswa, ka bea Bibebe yaka hodima sekoqo, mme moyo wa E pheula o e phetla ka ho Baheberu, kgaolong ya 6. E boletseng, hore matsatsing a morao, ho tla etsahalang ha re ka wa Nneteng le ho intjhafala hape pakong, ha ho sa na pheko ya sebe hape, le kamoo meutlwa le ditshehlo, tse atametsweng ke tshenyeho, tseo pheletso ya tsona e leng ho tjheswa; empa pula e nela lefatshe, kamehla, ho le nosetsa, ho le apesa; empa ha e le meutlwa le ditshehlo di tla lahlwa, empa koro e tla bokellwa. Mme ka nahana, "Tjhe, empa e le moyo feela o tshohileng o pheutse ho phetla hoo." Ka mokgwa wa teng, feela ka bea hape Bibebe fatshe. Mme ka nahana, "Tjhe, feela jwale ke tla..." Mme moyo ke wona o etla le ho E pheula o e phetla. Hoo ha etsahala ka makgetlo a mararo. Mme ka nahana, "Tjhe, jwale, hoo ho a makatsa."

<sup>15</sup> Mme yare ha ke phahama, mme ke nahana, "Morena, ke hobaneng O ka mphetlela Bibebe eo hore ke bale hono, ka... yare ha ke fihla mono, moo 'meutlwa le ditshehlo, tse okametsweng ke tshenyeho, tseo pheletso ya tsona e leng ho tjheswa'?" Ke nahane, "Hobaneng, O ka mphetlela hono mono?" Mme jwalo ka ho shebeng ntle nnqeng...

<sup>16</sup> Jwale, dineo tsena tsa nnene di fihla ntle le ho kena maemong afe kapa afe. Ke Modimo feela. Le a bona? Ka tadima mme ka bona lefatshe le neng le phethoha ka pele ho

nna, mme ka bona hobane le ne le lenngwe ka hohle. Ho ne ho ena le monna ya apereng bosweu, ya tswelang moo ho jala koro. Mme hoba a potelle ka nnqane ho kobamo ya lefatshe; ha hlaha monna, a shebahala a kgohlahetse, mme o na apere botsho, mme o ne a lahlela peo ya mahola hohle hodima yona. Bobedi ba tsona ba hola mmoho. Mme hoba di etse jwalo, bobedi ba tsona ba nyorwa, hobane pula e ne e hlokeha. Mme e nngwe le e nngwe ya ka e a rapela, ka hlohwana ya yona e kebileng, "Morena, romela pula, romela pula." Yaba maru a maholo a ya tla, mme pula ya di nela bobedi. Ha e etsa jwalo, koronyana ya qhomela hodimo mme ya qalella ho re, "Ho bokwe Morena! Ho bokwe Morena!" Mme leholanyana la qhomela hodimo hantle feela lehlakoreng lona leo, mme la re, "Ho bokwe Morena! Ho bokwe Morena!"

<sup>17</sup> Mme yaba pono e hlilositswe. Pula e nesetsa ba lokileng le bakgopo. Moya o le mong o ka tsholoha ka tshebeletsong, mme motho e mong le e mong a thabe ka baka la wona: baikaketsi, Bakreste, le ba bang bohole mmoho. Ehlile ho jwalo hantle. Empa ke eng? Ba tsejwa ka ho bea ha bona. Le a bona? Ke ona feela mokgwa oo e ka tsejwang ka teng.

<sup>18</sup> Jwale he le kgora ho bona hoo jwale, ha harese ya naheng, kapa koro ya naheng le tlhaku ka nako tse ding e etsisa tlhaku ya nnete, ya hae, di bapile hoo di ka thetsang le bona Bakgethwa. Ke dumela ha re phela mongwaheng o tshwanelehang, nakong eo dintho tsena di tshwanetseng ho rerwa le ho buuwa ka tsona.

<sup>19</sup> Hlokamelang temana ya 41, bobedi boo le bona bo bapile haholo, bo bapile hakana matsatsing a qetelo hoo Ha A etsa hona... O ne a ke ke a tshepela hoo kerekeng e itseng ho di arola, ha re re, Methodise kapa Baptise, kapa Mapentekosta, ho di arola. O boletse, "O romela mangeli a Hae ho di arohanya." Lengeloi le tla tla ho tlisa karohano, kgethollo pakeng tsa ho loka le bokgopo. Mme ha ho motho ya ka etsang hoo ntle le Lengeloi la Morena. Ke Lona Le tla bolela se lokileng le se phoso. Modimo o boletse ha A tla roma mangeli a Hae mehleng ya bofelo. E seng mangeli ho tswa tlase *mona*, empa mangeli nakong ya qetelo, mme a tla bokella hammoho. Re a tseba hore ho tla nako ya kotulo jwale. Jwale, hantle-ntle *lengeloi* le tolokwa hore ke "morumuwa." Mme re ka bona hoba ho na le mangeli a supileng a dikereke tse supileng, mme jwale... tjhe, ho ya jwalo ka mengwaha ya dikereke e supileng.

<sup>20</sup> Hlokamelang hore O itse bajadi e ne e le bo mang, hape le hore peo e ne e le eng. E Mong, mojadi e ne e le Yena, Mora Modimo, ya tswileng a jala Peo. Mme sera sa latela ka morao ho Yena, seo e neng e le Diabolosi, mme a jala peo ya mofoka, ka morao ho tjalo ya Peo e lokileng. Jwale, metswalle, hoo ho

etsahetse ka ho tswella mongwaheng o mong le o mong ho tloha re bile le lefatshe. Hantle. Ho tloha tshimolohong kwana, e qadile e le ntho e tshwanang.

<sup>21</sup> Jwale o boletse, “Peo ya Modimo, Lentswe la Modimo.” Jesu o boletse, sebakeng se seng, hore “Lentswe ke Peo.” Mme peo e nngwe le e nngwe e tla bea ya mofuta wa yona. Mme jwale ha Mokreste, bana ba Modimo, bana ba Mmuso ba fetohile Peo ya Modimo, jwale he ba tla lokela ho fetoha Lentswe la Modimo, Lentswe la Modimo le bonahaditsweng mongwaheng oo ba phelang ho ona, bakeng sa Peo ya mongwaha oo ya tshepiso. Modimo o fane ka Lentswe la Hae tshimolohong, mme mongwaha o mong le o mong o bile le Peo ya wona, nako ya wona, dipallo tsa wona.

<sup>22</sup> Jwale, ha Noe a ne a kena temeng, le hona e ne e le Peo ya Modimo, Lentswe la Modimo bakeng sa mongwaha oo.

<sup>23</sup> Ha Moshe a ne a etla, o ne a ke ke a tla ka molaetsa wa Noe, o ne o ke ke wa sebetsa, hobane e ne e le Peo ya Modimo nakong eo.

<sup>24</sup> Yare ha Kreste a etla he, O ne a ke ke a tla ka mongwaha wa Noe kapa wa Moshe; e ne e le nako ya Hae, ya morwetsana ho emola le ho tswala Mora, mme Yena e ne e tla ba Messia.

<sup>25</sup> Jwale, re phetse mongwaheng wa Luthere, mongwaha wa Wesele (mongwaha wa Methodise), jwalo ho theosa le mengwaha, le mongwaha wa Pentekosta, mme mongwaha o mong le o mong o fuwa tshepiso ya Lentswe. Mme batho ba mongwaha oo, ba bonahatsang Lentswe leo la tshepiso, ke Peo ya mongwaha oo, ho latela seo Jesu a se boletseng hantle mona, “Ke bana ba Mmuso.” Ho jwalo. Ponahatso ya Moya o Halalelang o sebetsang ka bana ba Hae ke Peo tseo tsa Mmuso mongwaheng oo.

<sup>26</sup> Hlokamelang, mahola e ne e le yena, sera, Satane, ya jetseng phapang, kapa ona—kapa yona peo ya mofoka, e ne e le yena ya jereng molato ho etseng ketso ena e tshabehang. Satane peo ya hae o e jadile ho tloha tshimolohong, ha Modimo a ne a qala ho bea dithakangwaha tsa Hae tsa kotulo tsa batho hodima lefatshe. Adama, ehlide, o ne a tseba ha ho ena le tsebo ya—ya nnete, le ya botle le bobe, mme le jwale o ne a eso ho ka a fihlela hono.

<sup>27</sup> Empa re fumana hobane, Modimo o neile bana ba Hae Lentswe la Hae bakeng sa Tshireletso ya bona. Bona...Ha re na Tshireletso e nngwe ntle le Lentswe la Modimo. Eo ke Tshireletso ya rona. Ha ho dibomo, ha ho ditshabelo, ha ho dinqalo tsa ho ipata, ha ho di-Arizona kapa di-California, kapa leha e le eng kapa eng feela eo e ka bang yona; ho na le Tshirelo e le nngwe feela eo re nang le yona, mme eo ke Lentswe. Mme Lentswe le ne le etswe nama mme le aha hara rona, e leng Kreste Jesu, ke Yena feela Tshireletso ya rona. Ka ho ba ka hare ho Yena, re bolokehile.

<sup>28</sup> Esita le sebe ha se ballwe modumedi wa sebele. Na le tsebile taba eo? Ya tswetsweng ke Modimo, ha a etse sebe, a ke ke a etsa sebe. Le a bona? Ha se balwe le ho balwa. Hobaneng, Davida o boletse, "Ho lehlohonolo motho eo Modimo o sa mmalleng sebe." Ha o le ka ho Kreste, ha o na takatso ya ho etsa sebe. "Morapedi, ya hlatswitsweng, ha a sa na tabatabelo ya sebe," ha o se lakatse. Jwale, lefatsheng, o ka nna wa ba moetsadibe; empa, ho Modimo, ha o yena, hoba o ka ho Kreste. O ka ba ka ho moetsadibe jwang ha o le ka hara Ya hlokang sebe, mme Modimo o bona Yena feela Yeo o leng ka ho yena?

<sup>29</sup> Jwale nako ena ya kotulo. Tshimolohong, ha Modimo a ne a jala Peo ya Hae hodima lefatshe mme a fana ka yona dipelong tsa bana ba Hae, lelapa la Hae, ho boloka Lentswe leo, e ne e le yona feela Tshireletso ya bona, bolokang Lentswe leo! Sera ke sena se etla mme sa kgaola Motero oo, ka ho jala peo ya mofoka, kgahlano le Lentswe la Modimo. Haeba e ne e le mofoka tshimolohong, e sa le wona! Ntho efe kapa efe feela e ka ekeletsang ntho efe feela Lentsweng la Modimo, esale peo ya mofoka! Ha ke kgathale hore e hlaha kae, haeba e hlaha mokgatlong, haeba e hlaha mohloding wa mabotho, haeba e hlaha matleng a sepolotiki, ntho efe feela e kgahlano le Lentswe la Modimo, ke peo ya mofoka!

<sup>30</sup> Ha monna a ema mme a bolela hore ke mmoledi wa Evangedi, mme a re "matsatsi a mehlolo a fetile," hoo ke peo ya mofoka. Ha monna a ema mme a bolela hore ke moreri, modisa wa kereke ya kae-kae, mme a sa dumele ha Jesu Kreste e le yena ntlheng e nngwe le e nngwe (ntle le mmeleng wa nama), yena maobane, kajeno, le ka ho sa feleng, hoo ke peo ya mofoka. Ha a bolela hore "mehlolo mmoho le mongwaha wa boapostola o fetile," ke peo ya mofoka eo. Ha ba re, "Ha ho ntho e jwalo ka phodiso ya Kgalalelo," hoo ke peo ya mofoka. Mme lefatshe le tletse ka wona. E pupetsa le ho kgama koro.

<sup>31</sup> Re hlokomela hoba mojadi wa ho qala wa peo ya mofoka o ile a manehwa ka lebitso la "Diabolosi," mme re a tseba ho ne ho le jwalo, ho Genese 1. Jwale re fumana hobane, le hodimo mona ho—ho Bukeng ya Matheu, kgaolo ya 13, Jesu le jwale o sa maneha mofoka ofe kapa ofe Lentsweng la Hae ka hore ke "Diabolosi." Mme 1956 ena, ntho efe kapa efe feela e jalang mofoka, kgahlano le Lentswe la Modimo le ngodilweng, kapa ho kenya tlhaloso ya motho ho Lona, ke peo ya mofoka. Mme Modimo o ke ke wa hlompha hono. A ke ke. Le ke ke la kopana. Ruri le ke ke la etsa jwalo. Le jwalo ka peo ya mosetareta; e ke ke ya kopana le ntho efe feela esele, o ke ke wa kgona ho e tswadisanya, e loketse ho ba ntho ya sebele. Peo ya mofoka!

<sup>32</sup> Jwale re fumana hobane, ha Modimo o ne o jala Peo ya Hae Tshimong ya Edene, re fumane hoba e hlahisitse Abele. Empa yare ha Satane a jala peo ya hae ya mofoka, ya hlahisa Kaine.

E nngwe e hlahisitse ya lokileng; e nngwe e hlahisitse ya sa lokang. Hobane Eva a ile a mamela lenseswe la mofoka, kgahlano le Lentswe la Modimo, mme hoo ha qala ho thetha polokwe ya sebe hantle hona moo, mme e sale e thettheha ho tloha mohlang oo. Mme re ke ke ra o tsomula wohle ho fihlela mangeloi a etla mme a kgethahanya ntho eo, mme Modimo a nkela bana ba Hae Mmusong, mme mahola a tla tjheswa. Elang hloko dificate tseo tse pedi tsa morara.

<sup>33</sup> Ha feela re ne re ena le nako e ngata sehlohong sena, empa feela ho qolotsa dintlha tsa sehlohlolo, re tle re kene hantle thapellong ya bakudi metsotsong e mmalwa e latelang.

<sup>34</sup> Hlokamelang, dipeo tsa tsona di hotse hammoho hantle feela jwalo ka ha Modimo o boletse hodimo mona hape kgaolong ya 13, sehlohong sa rona bosiusa bona, sa Matheu, "Di tloheleng dihole hammoho." Jwale, Kaine o ile a ya lefatsheng la Node, a iphumanela mosadi, mme a nyala; mme Abele a fenethwa, mme Modimo wa hlahisa Setha ho nka sebaka sa hae. Mme meloko ya qalella ho tswella, pakeng tsa botle le bobe. Jwale, re a hlokamelang ba ile ba bokellana, e mong le e mong wa bona, nako le nako, mme Modimo wa lokela ho... Ha mpefala hoo Modimo o ileng wa lokela ho e fedisa.

<sup>35</sup> Empa qetellong tsa fihlela moo bobedi ba dipeo tseo, peo ya mofoka le Peo ya Modimo, tsa bea dihloho tsa tsona tsa sebele, mme ha dihela dikgala ka ho Judase Iskariota le ka ho Jesu Kreste. Hoba, E ne e le Peo ya Modimo, E ne e le qalo ya mmopo wa Modimo, E se letho ntle le Modimo. Mme Judase Iskariota o tswetswe e le mora tableho, ho tswa diheleng, a kgutlela diheleng. Jesu Kreste e ne e le Mora Modimo, Lentswe la Modimo le bonahaditsweng. Judase Iskariota, mofokeng wa hae, e le peo ya Diabolosi, a tla lefatsheng, mme bakeng sa thetso; jwalo ka ha a bile tshimolohong, Kaine, ntatae wa pele.

<sup>36</sup> Judase o ne a bapala kereke feela. Hantle-ntle o ne a sa tshephahale, hantle-ntle o ne a se na tumelo (le ka mohla a ka be a sa ka a eka Jesu). Empa, le a bona, o jadile peo eo ya mofoka. A hopola ha a ka etsa setswalla le lefatsheng, mamona, mme hape a be le setswalla le Jesu, empa e ne e le morao haholo ho nako ho ka etsa ntho efe kapa efe ka hona. Yare ha nako ya tlokotsi e fihlile, ha a ne a etsa ketso ena e mpe, a tshela moedi o arolang pakeng tsa ho ya pele le ho kgutlela morao. O ne a loketse ho leba tseleng eo a ileng ka yona, jwalo ka mothetsi. A jala peo ya mofoka, a leka ho fumana mohau mahlong a mekgatlo eo e meholo ya tsatsi leo, le Bafarisi le Bassadusi. Mme a lekanya ha a ka nna a iketsetsa tjheletana, mme a tume hara batho. Ha seo e se sona se etsang hore batho ba bangata tjena ba kene mofokeng oo, ho leka ho fumana mohau mothong! A re fumaneng mohau mahlong a Modimo, e seng mothong. Empa ke seo Judase a se entseng ha mefoka ena e ne e bokellana ka ho yena.

<sup>37</sup> Mme re a tseba Jesu e ne e le Lentswe, Mohalaledi Johanne 1, e boletse, “Lentswe le ne le le tshimolohong, mme Lentswe le ne le le ho Modimo, mme Lentswe e ne e le Modimo. Mme Lentswe la etswa nama mme la aha hara rona.” Hape he, Lentswe ke Peo, e tla ba Peo e fetoha nama mme ya aha hara rona mona.

<sup>38</sup> Haeba Judase e ne e le peo ya sera le mofoka, le yona e fetoha nama mme ya aha hara rona bothong ba Judase Iskariota. Le ka mohla o ne a se na tumelo ya sebele, sebele. O ne a ena le seo a *lekantseng* eka ke tumelo. Ho na le ntho ya ho tshwana le ho ba le tumelo; le tumelo-bolekisi.

<sup>39</sup> Mme tumelo ya sebele ya Modimo e tla dumela ho Modimo, mme Modimo ke Lentswe, e ke ke ya ekeletsa letho ho Lona. Bibebe e re bolella hore ha re ka ekeletsa lentswe le le leng, leha e le ho tlosa Lentswe le le leng, kabelo ya rona e tla tloswa Bukeng ya Bophelo, Tshenolo 22:18, kgaolong ya ho qetela e kwalang.

<sup>40</sup> Tshimolohong ya ho qala, Bukeng ya pele ya Bibebe, Modimo o ile a ba laela ho se robe Lentswe le le leng la Hoo, “Lentswe le leng le le leng le tshwanetse ho bolokwa,” ba tshwanetse ho phela ka Lentswe leo. Jesu, bohareng ba Buka, o tlide le ho bolela taba eo mongwaheng wa Hae, mme a re, “Motho a ke ke a phela ke bohobe feela, empa le ke Lentswe le leng le le leng le—le tswang molomong wa Modimo.” Mme hape mongwaheng o kwalang wa Tshenolo, e boleletseng rona pele, hore “Ha motho a ka tlosa Lentswe le le leng Bukeng, leha e le ho ekeletsa lentswe le le leng ho Yona, kabelo ya hae e tla tloswa Bukeng ya Bophelo.”

<sup>41</sup> Ka baka leo ho ke ke ha e ba le ntho e lerootho, haese feela Lentswe la Modimo le hlwekileng, le sa tswakwang! Bao ke bara ba Modimo, baradi ba Modimo, ba sa tswalwang ka thato ya motho, leha e le ho tsukutlana ka letsoho, kapa mokgwa wa kolobetsos; empa ho tswalwa Moyeng wa Modimo, ka Moya o Halalelang, mme Lentswe le Iponahatsa ka bona. Eo ke Peo ya Modimo e hlwekileng!

<sup>42</sup> Sera se ikopanya ka ho ba setho kerekeng mme se tiisetse haholo molawaneng kapa nthong e itseng. Empa hoo ha se... . Hoo ke mofoka, ntho efe kapa efe e tshwenyanang le tiisetso eo e kgolo ya Nnete e hlwekileng ya Lentswe la Modimo.

<sup>43</sup> Mme re tseba jwang? Re ka re, “Ho lokile, bao, le na le tokelo ya ho Le hhalosa na?” Tjhe, monghadi! Ha ho motho ya nang le tokelo ya ho hhalosa Lentswe la Modimo. Yena ke Toloko ya Hae ka bo-Yena. O tshepisa taba, A ntano e phethahatsa, ke tlhaloso ya yona. Ha A E tshepisitse, A ntano E phethahatsa, hoo ke tlhaloso ya Lona. Ntho efe kapa efe e kgahlano le Lentswe la Modimo ke mofoka! Ruri!

<sup>44</sup> Jwale, jwalo kaha ke boletse, Judase, o na se na tumelo ya sebele. O ne a ena le tumelo-ya-bolekisi. O bile le—le tumelo eo

a lekantseng ha eo e ne e le Mora Modimo, empa o ne a sa tsebe e ne e le Mora Modimo. A ka be a sa ho etsa. Mme monna ya qekang Lentsweng lena la Modimo ho beng Nnete, o na le tumelo-ya-bolekisi. Mohlanka wa sebele wa Modimo tla tiisetsa Lentsweng leo.

<sup>45</sup> Masiung a mmalwa a fetileng, moreri wa ho reng, wa Arizona, wa sekolo se seholo, se tsebahalang mona motseng, o ile a tla ho nna mme a re, “Ke—ke batla ho o otolla hodima taba e itseng” (Ka re . . .) “ha o ena le nako.”

Ka re, “Ena ke nako e loketseng ka ho feta eo ke e tsebang. Tloo.”

<sup>46</sup> Ka baka leo a tla, a re, “Mong. Branham, o leka . . . ke dumela hore o tsitlallela nnete mme o a tshepahala, empa o leka ho tlisetra lefatshe Thuto ya boapostola.” Mme a re, “Mongwaha wa baapostola o fetile le baapostola.”

<sup>47</sup> Ka re, “Taba ya pele eo ke lakatsang ho o botsa yona, moenaka, na o dumela ha Lentswe le leng le le leng la Modimo le tlide ka tshusumetso?”

A re, “E, monghadi, ruri ke a dumela.”

<sup>48</sup> Ka re, “Jwale, na o ka mpontsha Lentsweng moo mongwaha wa baapostola o feletseng teng? Jwale, mpontshe moo e leng teng, ke tla dumellana le wena.” Mme ka re, “Mongodi wa boapostola, yena ya neng a tshwere dinotlolo tsa Mmuso, tsatsing la Pentekosta ha mongwaha wa boapostola o ne o kenngwa tshebetson, bao ba itse, ‘Banna ba heso, re tla etsa jwang hore re bolokehe?’ A re, ‘Bakang, e mong le e mong wa lona, mme le kolobetswe ka Lebitso la Jesu Kreste, tshwarelong ya dibe, mme le tla nka neo ya Moya o Halalelang, hoba pallo ena e etseditswe lona le bana ba lona, le ba leng hole, bao Morena Modimo wa rona a sa tla ba bitsa.’ Jwale, Lentswe le ka thulana e le Lona jwang?”

Monna eo a re, “Ke tshwerwe ke sefuba se sebe boiung bona.”

Ka re, “Le nna, ke nahana jwalo.” Le a bona?

<sup>49</sup> Jwale mpolelleng, na Modimo o sa bitsa? Haeba Modimo o sa ntse a bitsa, etlaba mongwaha wa boapostola o sa le tshebetson. Ruri! Bao Morena Modimo wa rona a sa tla ba bitsa, ba tlango ho bitswa le ka mohla, ba tla bitswa le ka mohla, bao A tlango ho ba bitsa, etlabe e ntse e le mongwaha wa boapostola, hobane Jesu Kreste ke yena maobane, kajeno, le ka ho sa feleng.

<sup>50</sup> Jwale, kajeno re fumana hore mofoka ona e sa le o jalwa jwalo mongwaheng o mong le o mong. Ha e ne e le ntho e ka etswang ho e kenya metsotsong e leshome e latelang kapa e leshome le metso e mehlano, ne nka ho etsa, empa o ke ke wa kgona. Ho theosa le mengwaha jwalo . . . Rona bohole, bongata

ba rona bo bala Bibele. Mme jwale jwalo ka ha Jesu a ne a e tla, mme A fihlela mofoka oo, kgahlano. Yena e le Lentswe le bonahaditsweng, E ne e le tlhaloso ya Modimo ya Lentswe, hoba O boletse, "Batlisang Mangolo, hoba ho wona le lekanya ha le ena le Bophelo bo sa Feleng, mme ke wona a Mpakang." Ke moo he. Yena—Yena e ne e le tlhaloso ya Lentswe. Mme mora e mong le e mong le moradi ya tswetsweng la bobedi wa Modimo wa mongwaha wona ke tlhaloso ya Lentswe. Lona le mangolo a ngodilweng, a balwang ke ke batho bohole. E.

<sup>51</sup> Hlokome lang, O boletse, "Ba Ntshebeletsa lefeela, ka ho ruta Thuto eo e leng mofoka. Ba Ntshebeletsa lefeela, ka ho ruta mofoka bakeng sa Thuto, thuto tsa batho, ditshomo tsa batho, ka ho ruta ha hoo e le Lentswe la Modimo, hodima ho se na le kamano ya letho le Lentswe la Modimo."

<sup>52</sup> Tadimang, mongwaha o mong le o mong o hlahisitse tlhaku ya kotulo e jwalo, mongwaha o mong le o mong o entse hoo, mme le wa rona ha o na boitshwarello. Re fumana ntho e tshwanang, ekasita le mongwaha o moholo ho fetisa wa eo ha ho kopanngwa mengwaha e meng mmoho, hoba ena ke pheletso ya hisetori ya lefatshe. Wona ke mofoka o moholo o kileng wa ba lefatsheng le ka mohla, e leng o hodima lefatshe kajeno. Mofoka wa megwaheng e meng o ba huletse hole le Modimo wa nnete le o phelang, ho leba medingwaneng ya diseto. Kajeno, Jesu o boletse ho Matheu 24:24 hore e tla bapa hoo ho ka thetswang le bona Bakgethwa hola ke ntho e ka etswang. O bua ka mofoka! Kgele, ha se le mano ho wona. Satane o kene hara batho, mme ke moithuti wa thutabodumedi hakaalo feela, ke Ngaka e kaalo feela ya Bodumedi, o batla a kgona ho ruta Lentswe leo ka ho phethahala. Jesu o itsalo. Empa mo hlokome lang, ho tla hlaha kae-kae. Ha thwe, "Ka mokgwa wa teng, hoo ho ne ho se bakeng sa hona." Kgele, ehlile, ho jwalo, le hona, le a bona, hobane Modimo o boletse ha ho ne ho le jwalo.

<sup>53</sup> Tadimang seo o se entseng. Wona mofoka o tshwanang o tlisitse kgalefo ya Modimo hodima matsatsi a Noe, ha Modimo o ne o romela moporofeta wa Hae mme a rera jwalo ka mollo o malakabe, a hlabela batho mokgosi wa ho baka, mme mofoka wa nwela metsing. Yaba Satane o etsang? A kgutla hape ka morao, ka ho Kama, mme a qalella ho o jala hape. Ho jwalo ruri.

<sup>54</sup> Ha tla Moshe, moporofeta wa senatla, ho ntshetsa bana ba Israele ntle lehwatatem. Ha etsahalang? Moshe, moporofeta wa senatla wa Modimo, a ba tlisetla Nnete e phethahetseng, Nnete e netefaditsweng. O na ile a kopana le Modimo. Modimo o kgodisitse ha a ne a kopane le Yena. Mme kamoo batho bao morao moo, baprista bao, mme ba ne ba ena le ditumelo tsa bona, ditsamaiso, tshebeletso tsa bona le ntho tsohle, empa Moshe a ema jwalo ka netefatso ya toloko ya Lentswe. O se

lebale hono! Moshe e ne e le toloko ya Modimo ya tshepiso ya Hae. O boletse hore o tla phetha taba eo; e ne e le toloko ya Modimo.

<sup>55</sup> Ha etsahalang? Kereke e ne e sa tswa tswa Egepeta, e eme ka maoto a yona matsatsi a mmalwa, mme ha etsahalang? Satane a fihla ka mofoka wa hae mothong, Kaine wa bobedi, eo e neng e le Balaame, mme a jala mofoka hara bona. Re tseba ha taba eo e nepahetse. Hore Balaame, thuto ya Balaame, ya hore “re ntho e le nngwe bohole, re sebeletsa Modimo o le mong jwalo lona,” ho latela motheo, o ne a nepile, hoba o nehelane ka sehlabelo seo Modimo o se abileng; dipheleu tse supileng, dipohwana tse supileng hodima aletare tse supileng, mme a rapela Modimo o le mong hantle ka ho phethahala jwalo ka ha Moshe a entse tlase lehwatatem, hantle feela ka ho tshwana. Empa ba ne ba sa tshwane! Ho re bontsha seriti sa ho neng ho tla hlaha. Ke moo, hape, Kaine a bonahaditswe e—e bothong ba Balaame. Mme Modimo ke oo o bonahaditswe bothong ba Moshe, ka ho toloka Mantswe a Hae ka motho, ho Itsebahatsa, tshepiso ya Hae, ka motho. Yaba mofoka o a hlaha.

<sup>56</sup> Taba eo ya hlaha jwalo mehleng ya Judase, ke eo a etla ka mofoka wa hae.

<sup>57</sup> Mme, hopolang, sebe sena seo batho bao ba se dumetseng, ka hore “re ntho e le nngwe bohole, re sebeletsa Modimo o le mong, re loketse bohole ho ba ditho tsa kereke e le nngwe, re loketse ho ba batho ba le bang,” sebe seo ha se a ka sa tshwarelwa Iserael! Jesu o boletse, ka sebele sa Hae, “Bao bohole ba shwele!”

<sup>58</sup> Ba timetse, bohole ntle le ba bararo ba bona, mme bao e le ba ileng ba tiisetsa le ho dumela tshepiso. Yare ha bafokodi ba re, “Re ke ke ra hapa lefatshe, le hona ke mosebetsi o re sitang,” le jwalo-jwalo; Kalebe le Joshua ba kgutsisa batho, le ho re, “Re ka kgona ka ho fetisia ho le hapa, hobane Modimo o e tshepisitse rona! Ha re natse hore tshitiso ke efe!”

<sup>59</sup> Mme le jwale re ka kgona ho rera phodiso ya Kgalalelo, le kolobetso ya Moya o Halalelang, le ho fumana matla a Modimo ho re arohanya dinthong tsa lefatshe. Modimo o itsalo! Mongwaha wa boapostola ha o eso ho ka o feta, mme o ke ke wa fela le ka mohla, o tswella pele.

<sup>60</sup> Ka baka leo, re fumana yena mojadi wa kgale wa mofoka. Mme hopolang, sebe seo ha se a tshwarelwa ho hang. Jwale, moena, ha se sa tshwarelwa nakong eo, ho ka thweng jwale nakong eo yona—yona peo ya sebele ya mengwaha yohle e kopanang hammoho?

<sup>61</sup> Hlokomelang nthohadi ena eo Balaame a e entseng, ya tswella jwalo le jwalo, mme qetellong ha felella ka ho tla ha—ha Judase Iskariota, le Jesu. E ne e le eng? Judase le Jesu e ne e le setshwantsho sa Kaine le Abele hantle feela. Hoba, jwalo ka

ha Judase a ne a ena le borapedi, ka mokgwa o tshwanang Kaine o ne a ena le borapedi. Kaine o hahile aletare, a etsa sehlabelo, a kgumamela Modimo, o ne a tshepahetse hakaalo feela tabeng eo jwalo ka e mong. Empa, le a bona, o ne a se na tshenolo ya seo Lentswe le neng le le sona. O ile a nahana hore e ne e le Adama le Eva ba jeleng apole e itseng kapa tholwana e itseng. Mme Kaine... Abele, ka tshenolo, a tseba hobane hoo ho fosahetse; e ne e le madi a ba ntshitseng, mme a nyehela konyana. Mme Modimo wa paka hore nyehelo ya hae e ne e lokile. Yaba o tlala mona mme a leka ho bolaya monae. Mme jwalo ka ha a bolaile monae hodima yona aletare eo sehlabelo sa hae se shweletseng ho yona, konyana e shweletse hodima aletare, le jwalo Judase Iskariota o ekile Jesu Kreste hodima aletare ya Modimo, le ho Mmolaya jwalo kaha Kaine a bolaile Abele. Hobane, Kaine e ne e le peo ya mofoka.

<sup>62</sup> Le ka mokgwa o tshwanang Balaame, moporofeta wa mothoduwa, monna ya neng a loketse hore a be a bile le tsebo e fetisang. Mme Modimo wa mo hlokomedisa ka mehlolo le meeka, mme le hona mulete wa bua ka puo e sa tsejweng, mme leha ho le jwalo a nna a tswela pele ka mokgwa o tshwanang feela. O ne a tswaletswe ho ba mo—mo mojadi wa mofoka.

<sup>63</sup> Mme ha Jesu a lekanyeditse mongwaha wona ho qetella ka mofoka o moholo ka ho fetisisa o kileng wa ba teng, mongwaha wa phutheho ya Laodisea, o fofo, o Mo ntsheditse ka ntle ho kereke, ho ka tla jwang hore e be ntho eselete ntle le mofoka oo! Amaruri, ke wona. O fellal mongwaheng oo.

Mme e ne e le Kaine le Abele hape Golgotha.

<sup>64</sup> Jwale hlokamelang, jwalo kamehla, hang hoba Jesu a tsamaye, a eya Lehodimong, Moya o Halalelang o ile wa kgutlisetswa. Eo e ne e le Peo, mofani wa Bophelo Lentsweng, jwalo ka ha re boletse bosius ba ho feta. Ke Yena ya tsosang Lentswe. Ho *tsosa* ho bolela “ho Phedisa.” Moya wa nnete o Halalelang o Phedisa feela Lentswe leo O leng lona. O ke ke wa Phedisa molawana, O ke ke, hobane Wona ha o na kamano ya letho le molawana. Ke Bophelo ba Lentswe la Modimo, hobane Wona ke Modimo. Le a bona? Mme O *tsosa* Mmele oo.

<sup>65</sup> Jwale hlokamelang, jwalo kaha ba entse. Hape, jwalo kaha Bibele e boletse, le—le Johanne o boleletse bana ba hae, mme a re, “Bana, le utlwile hore antikreste o tla tla lefatsheng,” a re, “mme o se a ntse a le lefatsheng, mme o sebetsa baneng ba ho se dumele.” Jwale, moo e ne e ka ba dilemong tse mashome a mararo ka morao hoba Moya o Halalelang o tle. Re fumana hobane, ha Moya o Halalelang o e tla, Peo ya sebele, Mofani wa Bophelo wa nnete Peong, ke mona ho e tla mofoka oo hape. Mme hlokamelang, wa tswelld jwalo. O ne o...

<sup>66</sup> Lentswe la nnete le ne le bonahaditswe, baporofeta ba mehleng ya kgale ba ne ba netefaditse Lentswe la Modimo ho

beng Nnete ha ba ne ba theoha. Haeba motho mang kapa mang a kile a bala Lekgotla la Nisea, kapa Lekgotla la Pele ho Nisea, matsatsi ao a leshome le metso e mehlano a madi a dipolotiki, ha sehlopha seo sa Maroma tlase moo se ne se batla ho kenya le ho etsa phutheho ya mokgatlo ka kereke eo. Baporofeta ba ile ba kena, ba ikgahlile ka matlalo a dinku, ba ejia meroho, mme ba emela Lentswe leo! Empa ho ile ha baka eng? Ha tlameha ho ba jwalo ka Kaine, ha tlameha ho ba jwalo ka Abele, e mong a lokela ho shwa. Ruri, ho etsahetse jwalo. Mme Lentswe la lahlehelwa ke tshwaetso ya Lona bathong, mme bohole ba voutela ho ntshetswa ha Lentswe la nnete ntle mme ba kenya ditshomo tsa mofoka tsa kereke ya Katolike ya ho qala. Ba ekeletsa mopapa, ba ekeletsa mobishopo, ba ekeletsa *hona, hane, ho hong*. Ba tlosa moelego wa nnete wa sebele wa seo Petrose a leng sona, le wa—wa—wa Maria, le—le le ding tsohle tsa tsona; mme ba etsa medingwana ya diseto, mme ba etsa ditshebeletso feela tsa bohetene ho tswa borapeding boo ho thweng ke ba Sekreste. E ne e le eng? Peo ya mofoka! Mme ya bopa mokgatlo, ho etsa mokgatlo, kgetlo la ho qala lefatsheng, kereke. E ne e le eng? Peo eo ya mofoka e qadileng ka ho jala, ntho e itseng e ekeletsang, ho tlosa.

<sup>67</sup> Ke mang ya kileng a utlwela, ka Bibeleng, ka ho ila nama ka Labohlano? Ke mang ya kileng a utlwela, ka Bibeleng, ka ntho efe e kang hofafatsa bakeng sa ho kolobetswa, ka ho inwa tlasa metsi? Ke mang ya kileng a utlwela ka dintho tseo, bo “Ahe, Maria” kapa ntho e nngwe? Ke mang kileng a utlwela kaha matlakala ana a bodileng a Maprotestanta ana, hape? Pitsa e ke ke ya bolela hore ketlele e tletse mosidi. Ke nnete! Ho jwalo feela, ya sitwang ho tse nyenyane o na le molato ho tsohle! Ke mang ya kileng a utlwela ka hore Modimo o sebetsa mokgatlong le ka mohla? Mpontsheng ka mohla o le mong moo mokgatlo o kileng wa hlophisa mme wa nna wa dula o phela. E ile ya eshwa hang-hang, mme ha e a ka ya hilola e tsohile hape! Ke nako ya hore ntho e nngwe e etsahale, ke nako ya hore Modimo o nke kgato. Le ile la bolaya tshwaetso bathong.

<sup>68</sup> Ntho e kang eo e entswe kajeno. Ba bolaya tshusumetso, ho thwe, “Kgele, sekgakgatha seo sa bahalaledi ba thethehang, ha ho letho ho bona.” Mme, kgidi, ke mofoka! Kopana le Lentswe sefahlehole sefahleho mme o shebe seo Le leng sona, o shebe haeba Modimo o toluka Lentswe la Hae ka Sebele. Modimo o ka tsosetsa Abrahama bana le ka majwe ana. Amen.

<sup>69</sup> Lentswe le netefaditswe ka ho hlaka ke Bakreste bao ba mehleng ya ho qala, kamoo Modimo o ba namoletseng dinthong tsohle, le malwetseng, mme ba ne ba ena le baporofeta, mme ba buile ka dipuo, ho fetolela, mme ba fana ka melaetsa e kgodisitseng hobane e ne e nepahetse ka nako le

nako. Empa hodima netefatso eo yohle ya Lentswe, batho ba le voutela ho Le ntshetsa ntle, mme ba voutela phutheho ya mokgato. Eo ke mma mekgatlo yohle.

<sup>70</sup> Bobedi ba tsona bo fihletse bophethehing jwale. Tsa qalella ho tswala hape. E ile ya eshwa, empa ya thunya hape mehleng ya Luthere, jwalokaha re tseba mona ho tswa molaetseng wa pele mona kalaneng hoseng ha borakefese. Ya thunya hape tsatsing la Luthere. Jwale ba ile ba etsang? Hang hoba monna eo wa senatla a shwe, ba bopa mokgatlo.

<sup>71</sup> Ya thunya. Mme hape le matsatsing a John Wesele, nakong eo ma-Anglikene ao, ka dithuto tsa polokeho e sa feleng mme e tlamilwe ke ntho e nngwe le e nngwe ho fihlela le thutong ya hore batho bohle lefatsheng ba tla bolokeha, mme ha etsahalang? Modimo wa hlahisa monna ya bitswang John Wesele, mme a hlabo ntho eo yohle. Mme hang-hang hoba a shwe, yena le Asberi mmoho le bao, ha etsahalang? Ba bopa mokgatlo, mme jwale o fumana mefuta yohle ya Mamethodise. Yaba ho latela le e nngwe le e nngwe hape, Aleksandere Campbell, John Smith, le bao bohle.

<sup>72</sup> Phellong, ha ropoha Mapentekosta, a tswa nthong eo yohle. Ha etsahalang he? Ba mathile hantle, le sitisitswe ke eng? Le boetse hantle morao seretseng sona seo le tswileng ho sona, ho kgutlela hape reberebeng ya moitedi ona oo, ho boela hape mofokeng le ho etsa mekgatlo, la tlameha ho qekisa Lentsweng. Mme ka nako le nako ha Modimo o ne o romela ntho e itseng e ntjha, la hlolleha ho e amohela. Ho jwalo! Mofoka hape! Mme, hlokomelang, jwalo ka ha ke boletse tsatsi le leng, lekgapetla leo la pele le melang ho tswa motsong wona, le nyoloha le ho kena mahlakung le ho nyoloha ho kena lentjhaboreng, le ntano boela thakeng hape, mme le tswe. Lekgapetla leo le le nyenyane la koro le batla le tshwana hantle le tlhaku ka sebele sa yona, mme ra hopola hobane ke yona, empa ha o le bula, ha ho tlhaku ya letho ho hang. E mpa e le motshehetsi wa tlhaka ho hola ka yona, mme le lona le a shwa, mme bophelo bo tswe hantle ho lona mme bo kene ka hara tlhaku. Hlokomelang, ka baka leo ba bitsa dikereke tse jadileng...

<sup>73</sup> Re fumana hoo ho thweng ke dikereke tsa rona kajeno, esita le ho ya fihla ho Mapentekosta a rona, re ile ra tswa, ha re a ka ra kgotsofala, ra tlameha ho etsa dihlopha tsa rona ka sebele. Ntho e nngwe le e nngwe ya tla, a tlameha ho fumana hona, ra tlameha ho fumana hona, ra tlameha ho fumana sehlopha se seng. Mme thaka ke lena le phahama, la re, "O tla a kaletse leru le le sweu." E mong o re, "Tjhe bo, O tla a kaletse pere e tshweu." "Ho lokile, re tla etsa dihlopha tse pedi." Le a bona, ke eng? Tjalo ya mofoka! Ha A e tla, seo e ka bang sona, O tla toloka Lentswe la Hae ka bo-Yena ha A e tla. A re shebelleng ho fihlela nakong eo. Le utlwisia... Ho bueng ka taba eo, ha le kgone le ho fumana Molaetsa wa letsatsi.

Kamehla ho supjwa seo Modimo a tla se etsa, kapa seo A se entseng, mme ho sa natswe seo A se etsang. Ke mokgwa oo re kenyang mefoka ho yona.

<sup>74</sup> Jwale re elellwa kajeno hore dikereke tsa rona, dikereke tsa rona tsohle—tsohle di jaletse meya, mme di kotula sefefo. Ha re sa na le ditshebeletso tsa thapelo, ha re sa na le ditshebeletso tseo re nnileng ra ba le tsona. Molato ke eng? Re lahletse marapo nthong e nngwe le e nngwe. Bonang, esita le ho fihla dikerekeng tsa rona tsa Pentekosta, di dutse di tletse ka basadi ba pommeng meriri. Taba eo e ne e sa dumellwe. Difahleho tse takilweng, ba itshasa ka dipolishe tsa manala, le ntho tse ngata tse jwalo; le fumana monna ntle mona ka...ya kang bo-Ricky le ba jwalo; a nyetse hararo kapa hane, mme e le batikone; kgele, ke mofoka o mo kakang! Ke ditshila! Ba kgona ho etsa hoo jwang? Modimo o ke ke wa e dumella Kereke ya Hae, ba loketse ho ba le mokgatlo ho ka kena ho wona. Motho e mong o tshabana le ho bua ho hong ka yona, hobane ba tla kgarameletswa ka ntle ho mokgatlo. Modimo, re fe banna ba sa hokahanang le letho ntle le Modimo le Lentswe la Hae, ba tlang ho bolela Nnete ya lona. Ke sona hantle seo re se hlokang. Re entseng? Ho jala mofoka. Re jaletse meyeng, mme jwale re kotula sefefo.

<sup>75</sup> Hlokometlang jwale hore ba tlangwa mmoho bakeng sa ho tjheswa. Na le hlokometse, Jesu o boletse, “Pele, e bokelleng mmoho, tlamang mangata, le ntano bea mangata wohle qubung e le nngwe, mme Ke tla a tjhesa.” Ho na le ngatanyana e bitswang Methodise, Baptise, Presbeteriene, Luthere, tsohle di bokellana hammoho Mokgatlong wa Dikereke wa Lefatshe. Ke eng? “A tlameng pele!” Hallelua! Na le hlokometse, O tlamella mahola pele, o a tlosa hara koro, o a a arola, “A tlameng hammoho le a tjhesa.” Wohle a tjheswa ke dikahlolo tsa Modimo, ka baka la ho jala mofoka hara batho, dintho tseo ba...Ba na le sebopetho sa borapedi, mme ba latola Matla a jona, ho latola Lentswe, feela ho tshwarella ditsamaisong tse itseng tsa bodumedi tsa ditshomo tse itseng tseo motho e mong a di entetseng ka hare, ho leka ho di kenya Lentsweng la Modimo. E ke ke ya sebetsa. Ke mofoka.

<sup>76</sup> Ke howa kajeno, jwalo ka mehleng eo, moporofeta e moholo wa mehleng ya kgale, Amose, ha a ne a theohela motseng oo, a re, “Ha ke moporofeta, ha ke mora wa moporofeta le hona. Empa ha tau e puruma, ke mang ya ke keng a tshoha!” A re, “Ha Modimo o bua, ke mang ya ke keng a porofeta.” A rera a lekanyetsa kahlolo hodima moloko oo, a re, “Yena Modimo eo le ipolelang ho mo sebeletsa o tla le timetsa.”

<sup>77</sup> Kenyang taba ena, e teiping, mme le hopole. Yena Modimo eo... Batho bana jwale ba bokanang hohle pokellong ena e kgolo ya kotulo ya—ya Mokgatlo wa Dikereke wa Lefatshe, mme le tla lokela ho kena ho wona. Le ke ke la dula ka ntle ho

wona. Le tla tshwanelo ho tswa ho wona ka bonngwe, kapa le tla kena ho wona. Ho ke ke ha eba le sebaka se mahareng. E tla be e le letshwao la sebata. Ha ho motho ya neng a ka reka leha e le ho rekisa, ntle le ya neng a ena le letshwao, kapa ya nang le mofoka. Jwale, dulang ka ntle ho wona! Tswang ho wona! O baleheleng! Dulang hole le wona! Yena Modimo eo ba ipolelang ho mo sebeletsa o tla ba timetsa. Modimo o moholo wa lerato ya ke keng a . . .

Ho thwe, “Ka mokgwa wa teng, Jesu o rapeletse hore re be bang bohle.”

<sup>78</sup> Hape O boletse, “Le ka tsamaya mmoho jwang, ba babedi ba tsamaya mmoho, ha ba sa dumellane?” O boletse “bang,” jwalo ka ha Yena le Ntate ba le Bang. Mme Ntate e ne e le Lentswe, mme Yena e ne e le Lentswe le bonahaditsweng. O ne a le “Mong” le Ntate, hobane E ne e le ponahatso ya Lentswe la Modimo le tshepisitsweng. Mme ho jwalo le kajeno, kapa tsatsing lefe kapa lefe. E, monghadi. Modimo o Mong, O batla re be bang.

<sup>79</sup> *Hona* ho ka ba hong jwang, *hona* ho latola tswalo ya borwetsana, mme *hona* ha ho e latole, ho latola phodiso ya Kgalalelo, le *hona*, *hane*, bao bohole ba le modubadubeng jwalo? Ba bang ba bona ekasita ba sa dumele ho Modimo, ho dumela ha E ne e le Mora Modimo; ba dumela ha E ne e le mora Josefa, ya *reilweng* Mora Modimo. Amaruri. Moena wa lefahla wa Maluthere, Maswingli, ba dumela hono, hore Yena e mpa e ne e le monna ya lokileng feela ka ho phethahala. Bakreste ba Mahlale ba boletse ha E ne e le moporofeta, monna ya tlwaelehileng feela, O ne a sa Kgetheha. Kgidi, ha A ne a sa Kgetheha, Ke mothetsi e moholo ka ho fetisisa eo lefatshe le kileng la ba le yena. E ne e le Modimo kapa E ne e se letho. O ne a Kgetehile! O ne a ruile Bomodimo, ka sebele sa Hae, ho etswa nama mahareng a rona, bothong ba Mora wa Modimo. Amaruri, ke seo A neng a le sona.

<sup>80</sup> Jwale re a bona mofoka o kene. Re a tseba o teng mona, ha ho motho ya ka latolang taba eo. Oho, kgidi! Hlokamelang feela. O tla timeletsa sehlopha seo se ipolelang ha se sebeletsa Modimo. Le lebelle taba eo.

<sup>81</sup> Modimo o lemme Peo ya Hae. Ke a kwala, hobane ke nako ya ho qalella ka mola wa ho rapella. Modimo o lemme Peo ya Hae, mme Peo ya Hae ke Kreste. Ke tla rera ka taba eo masiung a mmalwa, kaha sebaka seo Modimo o rerileng ho bea Lebitso la Hae, ha Morena a rata, mohlomong ho a mang a marakefese ha ke ena le nakwana e ngata. Bonang, ke Yena feela Kgoro ya ho phonyoha. Ke Yena feela Mookamedi wa nnete. Ke Yena feela Modimo wa nnete, ha ho e mong ka ntle ho Yena. “Ke Nna Modimo, mme Yena feela Modimo,” O itsalo. Jesu o boletse, “Ke wona molao: Mamela wena, oho Iseraele,

Ke nna Morena Modimo wa hao, Modimo o le mong feela. Ke Yena. Hobaneng le batla e mong? E mong o tla tla... Ke tlie ka Lebitso la Ntate, ha le Nkamohele. Empa e mong o tla tla ka lebitso la hae, mme eo le tla mo amohela." Mme ba ho entse Nisea.

"Na o Mokreste?"

"Ke Mobaptise."

"Na o Mokreste?"

"Ke Mopentekosta."

"Na o Mokreste?"

"Ke Momethodise," lebitso le leng.

<sup>82</sup> Empa ha ho tluwa Lebitsong leo la "Jesu Kreste," ba tsamaela hole le Lona kamoo ba ka kgonang, ha ba batle ho amana le Lona ho hang, hoba Yena ke Lentswe mme Lentswe le a Ipolela. Hlokomelang, yona feela Kgoro ya ho phonyoha! Ke Rose ya Sarone, Bibele e boletse ha E ne e le yona. Lebitso le leng le le leng la Modimo la tlotsiso (ka Bibeleng) ke la Jesu Kreste. E ne e le Alfa, Omega, Qalo le Qetelo; Ya neng a le teng, Ya leng teng, le Ya Tlang; Motso le Lehlomela la Davida, Motso le Lehlomela la Davida mmoho; Naledi ya Meso, Rose ya Sarone, Mohaladitwe wa Diphula, Alfa, le Omega, Ntate, Mora, Moya o Halalelang, tsohle ka ho Jesu Kreste! E ne e le ponahatso e tletseng ya Jehova Modimo ya entsweng nama ho aha hara rona. Ke hantle feela seo A neng a le sona.

<sup>83</sup> E ne e le Rose ya Sarone. Ba entseng ka Rose ya Sarone? Ba ile ba E tlhotla, ho E hlahlatha, ho ntsha monko ho Yona. Rose e ntle e loketse ho tlhotlwa ho ka fumana monko roseng. Mme boo e ne e le Bophelo bo babatsehang, ha ho bophelo bo kang Boo bo kileng ba phelwa le ka mohla, empa Bo ne bo loketse ho tlhotlwa Golgotha.

<sup>84</sup> Le a bona, ba ile ba nika tlotsa ya—ya Rose ya Sarone mme ba e tshela hodima Arone, o ne a loketse ho tlotswa ka hono ho ka hlaha pela Morena ka sehalalelong, ka lesireng le halalelang. O ne a loketse ho tlolwa ka Rose ya Sarone, ho kena ka hare hofafatsa setulo sa mohau selemo le selemo. Mme tlolo eo e loketse ho ba hodima hae, monko o nkgang ha monate ho Morena, ka pela hae a nkile madi a konyana, ka morao hoba le yena a fafatswe ka konyana. Digananata le manyenenyene ho sika le seaparo sa hae, o ne a loketse ho hata ka mohato o itseng, ho ka lets, "o a halalela, o a halalela, o halalehile Morena."

<sup>85</sup> Hlokomelang, ke Yena Rose eo ya Sarone, Monko oo o nkgang ha monate, Tlolo e hodima batho ba Hae. O ke ke wa tla pela Hae ka molawana ofe kapa ofe, ntho efe kapa efe eseles, empa ka tlolo ya Rose ya Sarone, Lentswe. Hape Ke Mohaladitwe wa Diphula.

<sup>86</sup> Jwale, opiamo le e fumana jwang? O fumana opiamo ha o nka mohaladitwe mme o o tlhotla, o fumana opiamo. Dingaka di e sebedisa ka dilaborathoriong tsa bona. Nka motho ya tshwerweng ke methapo le ho ferekana, kapa mosadi, ya ikutlwang eka o a hlanya, o tletsa-tletse fatshe fulurung mme a hweletsa, a le ditshisimohong, ngaka e ye e nke opiamonyana ya yona ya mohaladitwe mme e e soteletse sephakeng sa hae kapa mothapong o itseng kae-kae, kapa wa monna, mme ba kokobela. Ho fela nakwana e seng kae. Empa hang feela hoba opiamo eo e hlapholohe, ke bana ba kgutla hape, ba mpefetse le ho feta ka moo ba bileng ka teng le ka mohla.

<sup>87</sup> Empa ke a le bolella, metswalle, eo e mpa e le feela papiso ya Opiamo ya nnete e tswang ho Mohaladitwe wa Diphula eo ke tsebang kaha yona. Ke Yena Mohaladitwe wa Diphula. O tlhotlilwe Golgotha. A tetekwa ka baka la makgopo a rona, re fodisitswe ka maqeba a Hae. Ketsong eo, hlahlathong eo ya dipalesa, Yena e ne e le Palesa. Ebile Palesa e kgolohadi ka ho fetisisa e kileng ya hлаha, e le Mohaladitwe ona wa Diphula, le Rose ena e kgolo ya Sarone. Jwale kajeno O leketlile, ka ho fehwa pakeng tsa Mahodimo le lefatshe, ke dumela jwalo, O entswe jwalo nakong eo, ke batla ho rialo, ho—ho tlosa sebe sa lefatshe le ho kgutlisetsa phodiso hape lefatsheng. Mme Bibele e boletse ho Ke Yena maobane, kajeno, le ka ho sa feleng.

<sup>88</sup> Motswalle, ha Modimo o ne o bolella Moshe, lehwatatateng, moo e neng e le papiso ya—ya Hae, ho fanyeha noha ya koporo. Mme koporo e lekanya sebe se ahlotsweng, noha e lekanya, *noha ya koporo* e lekanya “sebe se seng se ahlotswe.” Kaha, *koporo* e le “*kahlolo e Kgethehileng*,” jwalo ka ha aletare ya koporo moo moo sehlabelo se neng se behwa teng. Mme hape Elia o ile a lelala mme a re lehodimo le ne le tshwana le koporo, kahlolo e *Kgethehileng* hodima setjhaba se sa dumeleng se weleng ho Modimo. Koporo e lekanya kahlolo, kahlolo e *Kgethehileng*. Mme noha e lekanya sebe se seng se ahlotswe; mme Jesu e ne e le noha eo e entsweng sebe ka baka la rona, le ho jara dikotlo tsa Modimo hodima Hae. Athe O hlabetswe dibe tsa rona, a tetekwa ka baka la makgopo a rona, kotlo e re tlisetsang kgotso e Mo wetse hodimo, mme re fodiswa ka maqeba a Hae.

<sup>89</sup> Oho, Modimo o tlatsitse modiko wa Hae ka Opiamo, bosiung bona, bakeng sa lona. Mphato wa Mokreste, o a kula mme o a sotleha. Oho, o imetswe, ho boima haholo feela ho wena. Ha o sa kgona ho e mamella hape ho feta, o tla—o tla hlahafala tsatsing lena la mehla ena eo re phelang ho yona.

<sup>90</sup> Na le utlwile *LifeLine* bosiung bona, seo ba se bolelang, hore—hore Rashiya e bolela hore, ka ‘55, hore ba tlide ho “nka taolo ya lefatshe lohle ka botlalo”? Pele hoo ho ka etswa, Hlwibilo e loketse ho etsahala. Ka baka leo e atametse hakae, motswalle? E haufi-ufi hantle mona jwale.

<sup>91</sup> Na o ke ke wa Mmatla bosius bona ka pelo yohle ya hao? Ke Mohaladitwe wa Diphula, mme esale Yena maobane, kajeno, le ka ho sa feleng. O mona bosius bona ho Iphahamisetsa hodimo mahareng a batho ba Hae, jwaloka ha Moshe a fanyehile e—e letshwao la sebe, se ahlotsweng. Mme e seng sebe feela, empa malwetse. Hopolang, Jesu o boletse, “Jwalo ka ha Moshe a fanyehile noha ya koporo, ka mokgwa o tshwanang Mora motho e ka kgona a fanyehwe.” Moshe o e fanyehile ka morero ofe? Bakeng sa sebe, ho se dumele, le bakeng sa malwetse. Jesu o ile a fanyehwa, le yena, bakeng sa sebe, malwetse, le ho se dumele. E ne e le ntho e tshwanang.

<sup>92</sup> Jwale, bosius bona, matsatsing ana ao re fumanang mofoka ona o moholo, Jesu Kreste o tshepisitse ho Luka, hore matsatsing a...pele ho ho tla ha Morena, ho tla ba jwalo ka matsatsing a Sodoma, le nakong eo Mora motho a tla Itshenola, jwaloka ha Mora motho a Itshenotse ho Abrahama tlase moo; Elohim, Modimo, o entsweng nama hara batho, mme a dula moo le Abrahama mme a mmontsha, ho mmolella seo Sara a neng a se hopotse (a dutse ka mora Hae) ka tenteng, seo A eso ho ka a se bona. Ho mmolella seo—seo...Le ho mmitsa, “Sara.” “Abrahama,” e seng—e seng lebitso la hae Abrame, leo a qadileng ka lona, empa Abraham. E seng Sarai, S-a-r-a-i; empa S-a-r-a, “Mosadi wa hao Sara, o kae?”

A re, “O ka tenteng ka mora Hao.”

<sup>93</sup> A re, “Ke tla o etela ha selemo se thwasa.” Yaba o a tsheha. A re, “O tshehetseng?”

<sup>94</sup> Jwale, Jesu o boletse, “Pele mofoka wona o moholo o bokeletswa mme o tjheswa, hore Mora motho o tla Itshenola ka mokgwa o tshwanang jwalo ka ha A entse nakong eo.” Mme hoo ke...Ke eng? Ke ho fanyehwa, ka botjha, ka pela lona, hore Jesu Kreste ke yena maobane, kajeno, le ka ho sa feleng. Na le a e dumela? A re inamiseng dihlooho tsa rona he bakeng sa thapelo.

<sup>95</sup> Modimo o ratehang, re a O rata. Lentswe la Hao le tletse dijo jwang—jwang bakeng sa rona, Morena. Re a Le rata! Re phela ka Lona, Morena. Eka mediko ya rona ha e a lekana ho hang. Re rata feela ho dula tafoleng ya Hao, ho pota-pota Lentswe la Hao, le ho natefelwa ke dihlohonolofatso, Morena, ha re kopana mmoho ka mokgwa ona, baena le dikgaitsedi ba rekilweng ka Madi a Mora Modimo, eo e leng tefelo ya Madi a Hao. Mme re tla mona bosius bona, Morena, re neelane ka masiu ana bakeng sa ho rapella bakudi. Mme ho latela Mangolo, O boletse ho re “re fodisitswe ka maebe.” Ha ho hlokahale hore re ka rapela he (haese feela ho ipolela dibe tsa rona), hoba ka maebe a Hao (lekgatthe lefetile) re fodisitswe. Kgele, ke tsatsi le le kakang la pholoh! E kakang—e kakang tshepiso ya Emmanuel! Hore Hoo ke Nnete ruri.

<sup>96</sup> O boletse, “Ho se ho se hokae, mme lefatshe le ke ke la hlola le Mpona, empa lona le tla Mpona, hoba Ke” (leemedi la botho la “Nna”) “Ke tla ba le lona, le ka ho lona, ho isa pheletsong ya lefatshe.” Mme pheletsong ya nako, qetello ena e kgolo, O boletse, pele feela e hlaha, ho tla ba jwalo feela ka pele mollo o na Sodoma mme o tjhesa lefatshe la Baditjhaba, hore ho tla tla hape tshenolo ya Mora motho jwalo ka ha e bile Sodoma. Ntate, a batho ba se e fose.

<sup>97</sup> Mme ke a rapela, Modimo, tlhahisonyana, (haeba ke buile ka phoso, ntshwarele), ho kena sedikadikweng. Ke a ba rata, Morena. Ke—ke rapella hore ba se ke ba e fosa. A bosiu bona e ke e be bo bong ba a maholo, Morena. A mokudi e mong le e mong, mobabi, sefofu, kapa eng feela e leng teng ka mona, Morena, ba fodiswe bosiusing bona. A moetsadibe e mong le e mong a pholoswe. Ka dipeleng tsa bona hantle jwale, haeba e le bomosadumeleng, a ba ke ba amohele Kreste motsotsong ona. Fana ka sena, Ntate. Tsohle di matsohong a Hao. Re ineela ho Wena, ho bona ha O kena mahareng a rona.

<sup>98</sup> Mme O boletse, ho Mohalaledi Johanne 14:12, “Ya dumelang ho Nna, mesebetsi eo Ke e etsang o tla e etsa le yena.” Kamoo re tsebang ha O Itsebahaditse bathong, hobane O ne o le moporofeta eo Moshe a boletseng o tla hlaha. Ba ne ba hlokile baporofeta ka dilemo tse makgolo, mofoka o ne o le lehlakoreng le leng le le leng, empa leha ho le jwalo Lentswe la Morena le ne le loketse ho phethahatswa; ka baka leo Lentswe le fetoha nama, mme le mofoka wa etsa jwalo. Mme, Ntate, re o bona hape kajeno, mofoka o fetoha ngatahadi e le nngwe e kgolo; mme re bona ha Lentswe le etla le eba ka tsela eo. Re hlohonolofatse bosiusing bona Ntate. Re ineela ho Wena, ka Lentswe la Hao. Ntho efe kapa efe feela eo O hlokang hobane re ka e etsa, e etse ka rona, Morena. Lebitsong la Jesu. Amen.

<sup>99</sup> [Kgaitsedi e mong o bua ka puo e sa tsejweng. Sekgeo lebanteng—Mong.] Tshabo ruri. Ha re tsebe seo A se boletseng. Mohlomong O batla ho re bolella ntho e nngwe, ka baka leo ebang le tshabo ruri motsotso feela. [Sekgeo lebanteng. Moena e mong o fana ka tlhaloso—Mong.]

<sup>100</sup> Amen. Na le kile la bala [Sekgeo lebanteng—Mong.] Lengolong moo sera se neng se etla, mme ba ne ba bokane bohole mmoho, mme ba . . . sera se le matla a maholo. Mme Moya wa Modimo wa tsholohela hodima monna, le ho mmolella, mme a porofeta, le ho bolela hore a ye kae le ho lara, mme ba timetsa sera sa bona. Ke eo e etla hape. Ke wona monyetla wa ho timeletsa sera sa hao, le a bona, nka letsoho la Modimo. Letsoho la Modimo ke Kreste, ehlide, Lentswe, ka baka leo nkang hoo ka dipeleng tsa lona bosiusing bona re sa ntse re etsa mola wa ho rapellwa.

<sup>101</sup> Ke dumela ha Billy a ntshitse dikarete tsa ho rapellwa hape kajeno. B, bo-B, a re nkeng B, mashome a robedi le hlano.

Bosiung ba maobane, re bile le ba leshome le metso e mehlano bosiung ba maobane. Ka tlwaelo re ye re leke ho nka ba ka bang leshome le metso e mehlano ka bosiu. Mme jwale he tshwarang dikarete tsa lona, re tla tla ho tsona, jwale. A re lekeng tse ka ka bang leshome le metso e mehlano. Mashome a robedi le hlano. B, jwalo ka Branham, le a tseba. B, mashome a robedi hlano ho isa ho lekgolo. Mme re...A re boneng, ke mang ya tshwereng B, mashome a robedi hlano, phahamisa letsoho la hao. Na o tile...Oo, morao kwana, ho lokile, mashome a robedi hlano nyoloha o tle.

<sup>102</sup> Jwale, mora wa ka...Ka hore mohlomong ho ka ba le baeti mona, ba ke keng ba tseba hore hona ho entswe jwang. Mora wa ka o ye a theohele tlase mona, kapa motho e mong; ha a sa kgone ho tla, Moena Borders, motho e mong o sele. Motho e mong o ye a tle, mme a nke ditlankana tsena, lekgolo la tsona, mme a eme ka pela batho le ho di lobokanya hammoho. Ka baka leo ha a o nea karete, a ke se o bolelle hore o tla fihla mona kalaneng, taba eo ha a e tsebe. Mme ka mokgwa o jwalo le nna ha ke tsebe. Ke tla bosiu, ke rutle feela tse ka bang leshome kapa leshome le metso e mehlano, kae-kae moo, ditlankaneng. Hoo ha ho moo ho amanang teng le phodiso ya hao. O ka nna wa dula hona moo hantle. Bonang, bosiung ba maobane. Ke ba ba kae ba neng ba le teng mona bosiung ba maobane, a re boneng letsohola hao? Ka moo batho ba ileng ba phekolwa feela hohle ntle ka tshebeletsong!

<sup>103</sup> Jwale, e ne e le mashome a robedi-hlano, mashome robedi-tshelela, mashome robedi-supra, mashome robedi-robedi, mashome robedi-robong, mashome a robong. A re ba dumelleng hore ba tle hantle jwale. B, mashome robedi-hlano, mashome robedi-tshelela, mashome robedi-supra, mashome robedi-robedi, mashome robedi-robong, mashome a robong. Hoo e tla ba a le mong...Ruri, re hloka...Mme haeba motho e mong...E mong ke enwa, e, hoo ho tla be ho lokile. Mashome a robong, mashome a robong ho fihla ho lekgolo jwale. Mashome a robong, mashome robong-nngwe, mashome robong-pedi, mashome robong-tharo, mashome robong-nne, mashome robong-hlano, mashome robong-tshelela, mashome robong-supra, mashome robong-robedi, -robong.

<sup>104</sup> Ha o sa kgone ho tsamaya, haeba o le...Ke bona re na le tse mmalwa, ditulo tsa mabidi tse tharo mona jwale, tse nne tsa tsona, ke dumelang hore nka di bona. Ha o ena le setlankana sa ho rapellwa, ha—ha palo ya hao e bitsitswe, mme o sa kgone ho tsamaya, phahamisa feela letsoho la hao, re tla se kgannela hodimo mona.

<sup>105</sup> Mme haeba o se na setlankana sa ho rapellwa, dula feela mono mme o rapele, mme o re, “Morena Jesu, a e ke—a e ke—e be nna bosiung bona.” Ke ba bakae ka mona ba hlokang setlankana sa ho rapellwa, phahamisa letsoho la hao. Oho,

kgidi! Ho lokile, a re boleleng taba ena feela, ke tshepa e ke ke ya utlwahala eka ha e lokele borapedi. Empa ho ne ho ena le mosajana eo ka nako e nngwe a hlokileng setlankana sa ho rapellwa, re ka rialo. A tsamaya a fovla letshwele, a re (jwale mamelang ka hlokomelo), “Ha nka ama diaparo tsa Monna yane, ke tla phekolwa.” Ke ba bakae ba tsebang pale eo? Ho lokile. Mme yaba o etsang? A Mo ama, yaba o a tloha mme a dula fatshe. Mme Jesu a reteleha, O tsebile moo a leng teng. Na ho jwalo? A tseba hore bothata ba hae e ne e le bofe. Na ho jwalo? A tseba hore bothata ba hae e ne e le bofe, ka baka leo A mmolella hore bothata ba hae e ne e le bofe. Yaba o utlwa mmeleng wa hae hore phallo ya madi e emisitse. Na ho jwalo? Hobane hobaneng? O ne a ile a Mo ama.

<sup>106</sup> Jwale, ke Bakreste ba bakae mona bosiusing bona ba tsebang, ho latela Baheberu, Buka ya Baheberu, hore Jesu hantle hona jwale ke Moprista e Moholo, Moprista e Moholo ya ka angwang ke maikutlo a rona? Na ho jwalo ka Yena? Ho lokile, haeba E le yena Moprista e Moholo ya tshwanang, ofising e tshwanang, Moprista e Moholo, O tla etsang he? O tla sebetsa jwalo ka ha A sebeditse lekgatheng leo. Na le dumela taba eo? O tla sebetsa jwalo feela kaha A entse lekgatheng leo, haeba le ka kgona ho dumela hoo. Ho lokile. Ke ba bakae ba dumelang hoo, phahamisa letsoho la hao, a re, “Hantle-ntle ke a e dumela”?

<sup>107</sup> Ho lokile, pele ba etsa mola wa ho rapellwa, a re tshwareng mola wa ho rapella ntle mono. Ke a tseba O teng mona. Ke—ke—ke utlwa Boteng ba Hae, mme ke—ke a tseba O teng mona. Tloo. Na mola wa ho rapella o lokile? Ke ne ke batla ho bitsa ntle mane. Lona feela—feelaa rapelang, shebang nnqeng ena mme le rapele, dumelang feela.

<sup>108</sup> Mofumahadi e monyenyanee ya dutseng mona hantle a ntadimile, ya dutseng haufi le mofumahadi ya rwetseng digalase. Na ha le kgone ho bona Hoo ho lopaletseng hodima mosadi? Bonang mona. Le a bona? O tshwenngwa ke bothata ba pelo. O dumela hore Modimo o tla o fodisa? Haeba o etsa jwalo, phahamisa letsoho la hao. Ke seo e neng e le bothata ba hao. Ho lokile. Jwale ha boo e ne e le bothata ba hao, phahamisa letsoho le hao hore batho ba tle ba bone, phahamisetsa letsoho la hao hodimo ka mokgwa wona oo. Jwale, ha o sa hhole o ena le bona hape jwale. Tumelo ya hao e o pholositse.

<sup>109</sup> E sa le Yena maobane, kajeno, le ka ho sa feleng. Kgele, mofoka o teng; empa Jesu Kreste ke yena maobane, kajeno, le ka ho sa feleng. Na hona... Jwale dulang feela le ntse le rapela, le a bona, ha o a tlameha ho ba mona hodimo, hore o tle o tsebe.

<sup>110</sup> Jwale, mofumahadi ke enwa. Ho ya kamoo ke tsebang, ha ke eso ho ka ke mmona bophelong ba ka, ke mosadi feela ya emeng mono, mme o na le setlankana sa ho rapellwa, mme ha ho a tsejwa hore o tla bitswa kapa tjhe. Motho e mong oo neile

setlankana sa ho rapellwa feela, mme palo ya hao—hao e bitsitswe, ka baka leo o nyolohetse kwano feela. Na ho nepahetse? Mme ha ho mokgwa wa hore nka tseba seo o leng sona, o mang, moo o tswang teng, seo o se batlang, ha ho letho kaha yona. Ke mpa ke le monna feela, o mosadi. Ho jwalo. Sona setshwantsho sena se ne se lhahelle Bibeleng ka nako e nngwe, Mohalaledi Johanne, kgaolo ya bone.

<sup>111</sup> Jwale o re, “O entseng, Moena Branham, legatheng leo, nakwaneng ya ho feta?” Ke ho kena feela sedikadikweng seo se senyenyan, le a bona. Ha ke tsebe, le a bona. Ke Yena ya loketseng ho ho etsa. Ha ke tsebe. Mosadi eo o kgonne jwang ntle moo? Ha ke eso ho ka ke bona mosadi eo bophelong ba ka. Ke osele ka ho phethahala ho nna. Ke dumela hore e ne e le mosadi. Ke mang motho ya sa tswa phekholwa hona jwale ntle moo letshweleng? Na o ka... Ee. Ha re tsebane. Haeba hoo ho nepahetse, tsokotsa letsoho la hao ka mokgwa ona. Le a bona? Ha ke eso ho ka ke bona mosadi. Empa o ne a dutse moo, a dumela. Jwale, o amme ho Hong, na ha a etsa jwalo? Ho nkama ho ne ho ke ha thusa.

<sup>112</sup> Empa jwale na ha le kgone ho bona ha Bibele e le Lentswe la Modimo ka ho tiya? Ke Yena maobane, kajeno, le ka ho sa feleng. Re fetoha ditabernakele tsa Moya o Halalelang e leng Kreste. Le a bona? Hoo ke Peo ya nnete. Mme ereha Moya oo o Halalelang wa mnene o kena Peong ya nnete ya Lentswe, e seng... O ke ke wa nka feela karolo ya Lona (hoba, Diabolosi o sebedisa Hoo), o tlamehile ho Le nka lohle, le a bona, Lentswe le leng le le leng la Lona; hobane, Yena ha se Modimo o sekgeeqe, Ke Modimo kahohle. Le a bona? Mme ke sona se etsahalang.

<sup>113</sup> Jwale, mosadi ke enwa, ha ke eso ka ke mmona. Jesu o ile a fihlela mosadi ka mokgwa ona ka nako e nngwe, mohlomong ha se maemo a tshwanang, ha ke tsebe. Mme O ne a dutse pela sediba. O—O ne a hlokeha ho ya Samaria. Mme re fumana hore, Samaria e ne e le tlasa leralla. Mme—mme O ne a theohela Jeriko, ke batla ho rialo, mme A feta le ka la Samaria, mme a fihla motseng Sikare. Mme A dula fatshe sedibeng, mme A romela barutuwa ba Hae dijong.

<sup>114</sup> Ho na le merabe e mekae ya batho lefatsheng? E meraro. Kama, Sema, le tjhaba sa Jafeta. Rona bohole re tswa ho Noe. Mme lefatshe lohle le ile la timetswa nakong eo. Merabe e meraro feela ya batho, Mojude eo, Moditjhaba, le Mosamaria (eo leng Mojude le Moditjhaba mahlakoreng bobedi). Mme ke phetho merabe yohle e leng teng lefatsheng, le a bona, e meraro feela.

<sup>115</sup> Ntho e nngwe le e nngwe ho Modimo e phethahetse borarong. Jwalo ka boraro bona ke sa tswa bua ka bona bosiung bona: mekgahlelo e meraro ya mefoka, mekgahlelo e meraro ya Lentswe le entsweng nama, jwalo-jwalo. Le a bona?

<sup>116</sup> Jwale, mme Yena—Yena ya buileng le Bajude, o boleletse Fillipi, ha a ne a tlisa Nathanele, moo a neng a le teng, le hore, “Ke mmone a sa le tlasa sefate.” A bolella... Andrease ha a ne a tlisitse Petrose, A re, “Lebitso la hao o Simone, mme o tla bitswa ‘Petrose’ ho tloha jwale.” Ha thwe, “O mora Jona.” Le a bona? Jwale, bao bohole e ne e le Bajude.

<sup>117</sup> Empa mona O ya ho Moditjhaba... e seng Moditjhaba, empa Mosamaria.

<sup>118</sup> Jwale ke nako ya Baditjhaba. Ha A eso ho ka a etsa hoo ho Baditjhaba le ka mohla o le mong. Batlisisa Mangolo. Le ho leka. Empa O tshepisitse ho Luka 22, hore O tla ho etsa pejana feela ho ho Tla.

<sup>119</sup> Empa O ne a dutse tlase mono, mme ke mona ho e tla halofo ya Mojude le Moditjhaba, mosadi. Mme A re ho yena, “Mosadi, Mphe metsi.”

<sup>120</sup> Mme a re, “Ho tla jwang, ha o na tshwanelo ya ho kopa hono, ka mantswe a mang. Re a... Ho na le kgethollo mona. O Mojude, mme—mme ke Mosamaria.”

<sup>121</sup> A re, “Empa ha o ne o tsebile Eo o buileng le yena, o ne o tla Nkopa metsi.” O ne a etsang? Ho hokahana le moywa wa hae. Mme hang hoba A fumane hore bothata ba hae e ne e le bofe, tjhe, A mo laela ho tsamaya ho lata monna wa hae. A bolela ha a se na yena. A re, “O boleletse teng, o bile le ba bahlano.”

<sup>122</sup> Jwale, bonang, ha Bafarisi ba ne ba bona A etsa hoo. Hantle, mofoka oo ka hara Lentswa hantle, ba reng? Ba re, “Monna enwa ke Belsebule, senohe.” Le a bona?

<sup>123</sup> Mme Jesu a re, “Mang le mang ya buang ka mokgwa o jwalo ho Moya o Halalelang mohla O tla etsa taba e tshwanang, ho ke ke ha tshwarelw.” Mofoka wa lona ke oo. Le a bona? Empa O boleletse ha A tla ba tshwarela lekgatheng leo, hobane Moya o Halalelang o ne o eso ho tle; Sehlabelo, Konyana e ne e eso ho shwe.

<sup>124</sup> Empa lekgatheng leo mosadi eo ha a ka a nahana jwalo. Mosadi o ile a re, “Monghadi, ke a bona hobane O moporofeta.” Ba ne ba hlokile moporofeta ka dilemo tse makgolo-kgolo. Ha thwe, “Ke a bona hobane O moporofeta. Jwale, re a tseba hore Messia, ya reilweng Kreste, mohla A tlang, ke seo A tla se etsa.”

<sup>125</sup> Ha ho le jwalo, haeba e le seo A se entseng, etlaba ke Yena maobane, kajeno. Ke ka mokgwa oo A Itsebahaditseng lekgatheng leo, na ha se taba e tshwanang kajeno? Ho loketse jwalo! Jwale, mosadi ke enwa mme o kopana le monna hape. Ha se mosadi eo, ha ke Monna eo. Empa leha ho le jwalo wona Moya o Halalelang o tshwanang o teng mona, mme o entse tshepiso ya hore mesebetsi eo A e entseng, re tla etsa ntho e tshwanang matsatsing ao Mora motho a tla senolwa.

<sup>126</sup> Jwale, ntle le ho o tseba (mme o a tseba hore ke nneta), ha re tsebane ho hang, mme o eme mona. Ho na le ba bang... Ho ka nna ha ba le ho phoso ka wena, mohlomong ha ho letho, ha ke tsebe. Empa ha Morena Jesu a ka ntshenolela, ka Moya wa Hae o Halalelang, hore bothata ba hao ke bofe, na o tla dumela he hore Ke Mora Modimo, mme e sang motho? Hona e mpa e le leaho feela, tabernakele *ena eo—eo* Modimo a e sebedisang, e mong le e mong eo A mo kgethileng. O—O o sebetsa hoo ka mohau wa Hae wa borena le kgetho. Ka hona, empa o a dumela. O tla etsa jwalo? [Mosadi o re, “Amen.”—Mong.]

<sup>127</sup> Ke ba bakae mokgoping ba tla e dumela? Ke rona bana bobedi ba rona re eme mona ka pele ho Lesedi, hore ha re eso ho kopane bophelong bona le ka mohla, ha ke na le kakanyo ya hore na mosadi eo ke mang, seo a leng sona, moo a tswang teng, seo a se batlang. Ha ke eso ho ka ke mmona bophelong ba ka, jwalo feela kaha ke eso ho bone mosadi yane tlase *mane* bophelong ba ka. Empa, le a bona, seo ke lekang hore le se etse ke sena: tlosa mofoka oo ho wena hona jwale, mme o dumele ha Lentswe le etswa nama hantle mona pakeng tsa rona. Lentswe le phela nameng ya rona ka sebele, hoo ho bontsha Boteng ba Modimo.

<sup>128</sup> Jwale A ke a mo fe yona. O batlana le ntho e molemo. O hloka thari, o batla lesea. O batla a le dilemo tse mashome a mane. Ruri hoo ha se taba e ka sitang.

<sup>129</sup> Ba teng ba dutseng hantle moo jwale, basadi bao e neng e le dinyopa mapheko a bona wohle, mme ba tla kalaneng ka mokgwaa wona, mme Modimo wa ba fa bana. Bang ba lona phahamisang matsoho a lona ntle mono lona ba tsebang. Le a bona? Le a bona? Ke ile ka sikara mothwana ya ratehang wa ngwananyana tsatsi le leng, Sontaha, hoba ke tlohe mona, thapameng ya Sontaha; eo mmae e neng e le nyopa, Morena o ile a bua. Mme ngwananyan eo, mothwana wa batho e motle ka ho fetisa, na o teng moo? O kae? Eke. Ke enwa moo a leng teng, hantle mona, o dutse hantletlase mona. Mme ya dutseng mane. Ngwanana eo ke enwa, ka sebele sa hae. Le a mmona? Ebile Lentswe le builweng ho tswa ho Modimo.

<sup>130</sup> Jwale, na o tla Mo dumela ka pelo yohle ya hao? Na o dumela hore hlohonolofatso eo eo o nang le yona, eo o e utlwang kahare ho wena jwale, e ne e le Modimo karabelong? Haeba Modimo o ka mpolella hore na lebitso la hao o mang, hore o tle o ree lesea lebitso, na o tla dumela? Jwale he, Mof. Thompson, o ka ya hae mme wa fumana lesea, ha o ka e dumela ka pelo yohle.

<sup>131</sup> Na o dumela ka pelo yohle ya hao? Eba le tumelo feela, se belaele, dumela Modimo feela. Modimo ke Modimo.

<sup>132</sup> O phela jwang, monghadi? Ke lekanya hore ha re tsebane, le rona. Kgetlo la pele nkileng ka o bona bophelong ba ka, ho ya kamoo ke tsebang, keha o ne o etla mono. Mme ke ile ka nahana hore o ne o le rangwana Moena Shakarian, kapa eo e... Mashagian, Moena Mashagian, sebini, ha o ne o etla. Yaba ke o bona o eya moleng wa ho rapellwa. Jwale, erekaha ke sa tsebane le wena, mme, kapa ho wena, le nna ke le osele, ka hohle. Jwale, ha Morena Jesu a ka mpolella taba e itseng eo o—eo o, mohlomong seo o se batlang, a re rialo; ho o bolella hore ke eng, ho mpolella seo o se batlang. Jwale, O se a o abetse sona. Taba feela ke tumelo e lekaneng feela ya ho se dumela.

<sup>133</sup> Jwale, ke ba bakae ba utlwisisang hono? Tumelo e lekaneng feela ho dumela hore o fumana seo o se kopang! Le a bona?

<sup>134</sup> Jwale, jwale, haeba o le hodimo mona o batla ho hong, mme A ka mpolella seo takatso ya hao e leng sona, etswe o a tseba hobane ha ke tsebe takatso ya hao, e tla lokela ho ba Ntho e nngwe mona e etsahatsang hono. Jwale, ho latela Lentswe, O tshepisitse ho etsa hono. O tsebile mehopolo e ka dipelong tsa bona. Na ho jwalo? Ho lokile.

<sup>135</sup> O na le takatso e kgolo ya ho phekolwa. Ntho e le nngwe, o tshwenngwa ke maemo a methapo, o tshwerwe ke dinerefe ruri. Ho jwalo. Ntho e nngwe, o na le bothata ba mokokotlo, mme mokokotlo o bile mobe ka nako e itseng, o bile o entswe oporeishene ho wona. Hoo ke HORIALO MORENA. Ke nnete. Le a bona. Ho jwalo. Mme ntho e nngwe ke ena, takatso ya hao e tebileng, ke hore, o batla ho amohele kolobetso ya Moya. Ke nnete ruri. Tloo mona.

<sup>136</sup> Modimo o ratehang, ka Lebitso la Jesu Kreste, a monna enwa a ke a tlatswe ka Moya o Halalelang, pele a tloha dibakeng tsena, Lebitsong la Jesu. Amen.

Jwale O amohele, moena ka. E ba le tumelo feela, se belaele.

<sup>137</sup> O phela jwang? Ke lekanya ho re, ho ya ka tsebo ya ka, ha re tsebane. Ha hoo ho nepahetse, kgele, hore batho ba tle ba tsebe, phahamisa feela letsoho la hao e le hore ba bone ha re tsebane. Ha ke eso ho ka ke mmona bophelong ba ka, ho ya kamoo ke tsebang. Mme ke lekanya hore ha a eso ho ka a mpona, ntle le haeba e ne e le letshweleng. Hoba Ntate ya Mahodimong o a tseba, mme Lentswe la Hae ke lena le dutse mona, hore le ka mohla ha ke eso ho ka ke bona mosadi, tsebong, bophelong ba ka. Ka baka leo, nke ke ka tseba lebaka leo o leng mona ka lona, ha ke na le kgopoloy a hore o mang, eng, kapa le letho ka wena. Ne nke ke ka o bolella ntho le e nngwe.

<sup>138</sup> Ntho e le nngwe, ke neo feela. Ha nka kgona... Jwalo kaha o utlwile ke hlalosa hoo nakwaneng ya ho feta. Ho fetela ka kwana feela, ho utlwa seo A se bolelang; seo ke se bonang, nka

se bolela. Seo A sa se bueng, nke ke ka se bolela. E ne e tla ba ke se bolela ka bona, mme se ne se tla ba phoso. Le a bona? Se ne se tla ba phoso. Empa ha A ka se bolela, se nepahetse ka ho phethahala. Se ke ke, ha se eso ho ka se fosahala le ka mohla. Se ke ke sa fosahala ha feela e ntse e le Modimo. Le a bona? Le a bona, hoba Modimo o ke ke wa fosa.

<sup>139</sup> Empa ha Modimo o ka mpolella seo wena o se batlang, seo takatso ya hao e leng sona, kapa—kapa seo o leng mona ka sona, seo o se entseng, kapa ho hong, ntho e kang eo, kapa hore o mang, moo o tswang teng, leha e ka ba eng feela eo A batlang ho mpolella yona, na o tla dumela? Ke a leboha.

<sup>140</sup> Ntho e le nngwe, o na le bothata ka maoto a hao. Maoto a hao a o tshwenya. [Mosadi o re, “E”—Mong.] Ho lokile. Phahamisa e... O na le bothata ba bomme, pherekano bosading. [“E.”] Mme o na le takatso e kgolo pelong ya hao, hoba o sa tswa lahlehelwa ke motho ya itseng kapa ho hong. Ke moshanyana, mme moshanyana wa hao o ngadile hae, ho baleha, mme o batla ha nka rapella ho kgutla ha hae. [“E.”]

<sup>141</sup> Modimo ya Lehodimong, romela ngwana wa hae ho yena. A Moya o Halalelang o kgine mohlankana eo tseleng bosiung bona, ho mmusetsa hape ho mmae. Lebitsong la Jesu. Amen.

<sup>142</sup> Yena Ya tsebang o tla mmusetsa ho wena. Se tshwenyehe. Dumela jwale, se belaele. Eba le tumelo feela, pelo ya hao yohle. O dumele, mme Modimo o tla aba tseo tsohle.

<sup>143</sup> Jwale, tshenolo tseo tsa merero ya pelo tse tharo kapa tse nne, leha e le hore e ne e le eng, le a bona, ke—ke fihletse boemo boo ke bang lerootho. Nke ke ka hhalosa hono, ha ho mokgwa wa ho se hhalosa. O ka nna wa re, “O bolela hore, hoo feela ho bile ho hobe ho fetisa ha o ne o rera metsotso e mashome a mane a metso e mehlano kapa ho feta, o nahana jwalo?” E, monghadi. Ha e ne e ka ba dihora tse tharo, e ne ke ke ya ba hakaalo.

<sup>144</sup> Mosadi o na ame seaparo sa Morena wa rona Jesu. Mme batho bao ha ba nkame. Kgele, mosadi enwa mona, bonang mona feela, a ka... [Moena Branham o laela mosadi eo, “Bea matsoho a hao hodima ka, le a bona.”—Mong.] O nkamile kahohle, ho ka se etsa letho, ke mpa ke le motho feela. Empa o tshwanetse ho ama Yena. Mme nna, ka neo, ke feela—feel... e a tloha feela,bonna bohole bo a tloha, mme ke bolela feela seo ke se bonang. Le a bona? Mme ke phetho. Lea bona, ho nkama ha hae ha ho bolele letho, empa o ama Jesu ka nna. Ke kamoo mosadi eo a amileng Modimo ka Jesu, hodima A na sa tsebe hore molato wa hae ke ofe. A mpa a ama seaparo sa Hae, a nto tloha le ho dula fatshe. Mme A re—mme A re, “Ke mang ya Nkamileng?”

<sup>145</sup> Mme baapostola ba re, “Kgidi, motho e mong le e mong o a O ama. O bolelang ha O rialo?”

A re, "Empa Ke utlwile matla o tswile ho Nna."

<sup>146</sup> Jwale, na le a tseba hore matla ke eng? Molemo. A fokola ho angweng ha Hae ke mosadi a le mong, mme Yena e ne e le Mora Modimo. Ho ka thweng ka nna, moetsadibe ya pholositsweng ka mohau wa Hae. Le a tseba hobaneng ho fetisa? Hobane O boletse, "Dintho tsena tseo Ke di etsang, le tla di etsa le lona. Le tla etsa le tse fetisang tsena, hoba Ke ya ho Ntate wa Ka." "E meholo," E rialo mono, empa phetolelo e loketseng ya Segerike ke, "E mengata ho feta ena le tla e etsa."

<sup>147</sup> Jwale, mosadi ha ke mo tsebe. Ha ke eso ho ka ke tseba letho ka yena. E mpa e le ya sa tsejweng ho hang ho nna jwalo kaha ho etsahetse ka batho ba bang. Ha re tsebane. Hore batho ba tle ba tsebe feela, o ka phahamisa letsoho la hao, e re, "ha re tsebane." Jwale, Mora Modimo, haeba tsatsi le leng A kopane le mosadi pepeneneng jwalo ka mona, pela sediba, mme A buile le yena motsotso, mme A tsebile moo bothata ba hae bo neng bo le teng, mme A mmoleletse hore bothata ba hae e ne e le bofe. Mme ka hono a tseba, hore eo e ne e le Messia. Jwale erekaha—erekaha ke... O nkamile, ke o amile, mme ha ho se etsahetseng. Empa haeba tumelo ya ka (ka neo) le tumelo ya hao (ka ho dumeleng ho yona) di ka Mo ama, mme A ka kgona ho bua ka rona ho...ka nna ho wena, o tla tseba hore O teng mona jwalo ka ha A ne a le sedibeng seo—seo Sikare. O a bona? E sale Yena maobane, kajeno, le ka ho sa feleng. O dumela seo?

<sup>148</sup> O na le mathata a mangata hona, masetlapelo a mangata hona, ditlokotsi! E nngwe ya dintho tse kgolo eo o batlang ho rapellwa ka yona ke ramatiki. Ke nnene. Ke nnene? O hwamiswa ke ramatiki. Ha o bona o phahamisa letsoho la hao...

<sup>149</sup> Mme eka o ne o batla o tsamaya butle, ho ya ka kgopoloy ka a phethahetseng. Eka o ka ema motsotso feela, mohlomong ntho e nngwe hape e ka bolelwa e leng e ka nkang..., Kapa, o atseba, o utlwa dintho; batho, o a tseba, ntho e kang moyo o fokang o emang kgahlano le Yona. Ba ka re, "Kgele, o lekantse feela kaha taba eo," kapa, o a tseba, ka mokgwa oo.

<sup>150</sup> Empa, o shebahala o le motho ya lokileng, bua le nna motsotso feela. A re eme mona hanyenyane feela, hobane ke hopola ha ho ena le ntho e nngwe e ka pelong ya hao eo o e batlang ho Modimo. Jwale, ne nke ke ka kgona ho arabela thapelo ya hao, empa A ka kgona ho amo... Hobane, ha o e dumela, e se ntse e arabetswe. Empa ha o batla ho e dumela feela; ho etsa hore o dumele. Jwale, ke tla o bolella, ke mabapi le moratuwa ya leng siyo mona, mme ke moena, mme moena eo o bile ha a naheng ena. O naheng e batlang e le mongobo, matsheng a mangata. Nkare sebakeng se kang Michigan mane kapa se seng... Ee, Michigan ke hona moo e leng teng. Mme o tshwenngwa ke mmolai ya kotsi, mme hoo ke lefu la phiylo le sa

phekoleheng le mo hlophang. Ho nepahetse, na ha ho jwalo? Hoo ke HORIALO MORENA. Jwale, sakatuku eo o e tshwereng letsohong la hao, eo o e phahamiseditseng ho Modimo, e romelle moenao mme o mmolelle ho se belaele, empa ho dumela, mme hoo ho tla, o tla phekolwa jwale ha o ka e dumela.

<sup>151</sup> O dumela ka pelo yohle ya hao? O a bona, he, ha o dumela, ho na le ntho e le nngwe feela e ka etswang, hoo ke, ho e amohela ruri. Na ho jwalo?

<sup>152</sup> Jwale o ka re, “O shebile hoo, batho bao. Ke seo a se etsang, ho ba sheba.” Le ye le bone hoo hangata!

<sup>153</sup> Empa hore le tle le tsebe taba ena... Mofumahadi enwa mona, tsamaela ka mona, mofumahadi, mona, mokudi, e leng ho-re o mang. Ha ke a mo sheba. Na o a dumela hore Modimo a ka ntshenolela hore bothata ba hao ke bofe? Phahamisa matsoho a hao, ha o kgona, mofumahadi enwa mona, mofumahadi enwa mona, mokudi. Ee. Ee. Ho lokile, ha o dumela hoo ka pelo yohle ya hao he, bothata boo ba asma bo ke ke ba hlola bo o hlopha hape. Ho lokile, e ya hae mme o e dumele!...?....

<sup>154</sup> Ntle le ho shebjwa, na E entswe? Le a bona, O... Le shebe ka nnqeng *ena*, pono e hlahile ho sa tsottelehe se etsahetseng. Amen! Na ha le e bone? Ka ho phethahala jwalo feela kaha Modimo a ka phethahala!

<sup>155</sup> O a dumela, le wena? Asma e ka o tlohela le wena, na e ka se etse jwalo? O dumela e tla etsa jwalo? Ho lokile, tsamaya o bolelle Morena Jesu hore o—o a Mo dumela.

<sup>156</sup> Ka tsatsi le leng o tla lokela ho ho nka molamu o—o monyenyanne ha ramatiki eo e o holofatsa, empa e ke ke ya ho etsa. O ke ke, ha o dumele hore e tla ho etsa, ha ke re? O dumela hore o tla itokela? Tloha o kene leetong la hao, mme Jesu Kreste o a o phekola.

<sup>157</sup> Lefu la pelo le bolaya batho, empa ha le a tlameha ho o bolaya. Na o dumela hore Modimo o tla o phekolela lona, le ho o fodisa? Tsamaya o e dumele ka pelo yohle ya hao, e re, “Ruri ke a e dunela.”

<sup>158</sup> Na o bua Senyesemane? Na o utlwisia Senyesemane? [Moena Branham o re, “Motho e mong a ke a tle.” Toloko e a tla—Mong.] Ee, ho lokile. Na o tla mmolella seo ke mmolellang sona? Mmolelle hore ha a ka dumela, bothata ba mala bo tla mo tlohela. O—o tla dumela hono? Le bothata ba hao ba mokokotlo bo tla o tlohela, le bona, ka baka leo jwale o ka kena leetong la hao mme o phekolwe.

O phela jwang? Na o a dumela? [O re, “E, monghadi.”—Mong.]

<sup>159</sup> Monna eo ya dutseng moo ka bothata ba mokokotlo, ya ntjhebang ha ke ne ke rialo. A ka phekowa, le yena, ha o e dumela, monghadi. Ho lokile, monghadi.

<sup>160</sup> Mofumahadi ya dutseng hantle pela hao moo, o tshwerwe ke bothata ba molala, ha ho jwalo, mofumahadi? O dumela Modimo o tla o fodisa? O batla ho bea matsoho hodima moshanyana ya monyenyan bakeng sa mangole a hae, mme otla phekowa, le yena. Na o a e dumela? O ne o ena le bothata ba basadi, bothata ba mafumahadi, ha o sa hlole o ena le bona jwale. Tumelo ya hao e o fodisitse le ho o phekola.

<sup>161</sup> Na le dumela Jesu Kreste, yena maobane, kajeno, le ka ho sa feleng? Jwale he a re behaneng matsoho hodimo mme re rapele thapelo ena ya tumelo, e mong le e mong wa rona, rapela thapelo ya tumelo.

<sup>162</sup> Modimo ya ratehang, re sa kgurumeditsw hakana ke Boteng ba Hao bo Kgethehileng, ho O bona o tsamaya ntle hara letshwele, ho fodisa bakudi hohle. Wena o Modimo. Ke rapella hore O tle o fodise phutheho ena yohle. A Pudulo ya Modimo e tsholohele ka botjha ka dipelong tsa bona, mme a ba ke ba tsebe hobane nako e se e ya feela. Re sa na le nakwana e seng kae ya ho ka ba mona, re ntano ya ba mmoho le Yena Eo re mo ratang. Mme a jwale Boteng ba Hae bo tlise phodiso ho e mong le e mong.

<sup>163</sup> Re kgalema Satane, re kgalema mesebetsi yohle ya hae. Ka Lebitso la Jesu Kreste, Satane, tloha bathong.

<sup>164</sup> Bohle bao ba tleng ho dumela Yena jwale, le ho amohela phodiso ya lona, emang ka maoto a lona, e reng, “Ke ema jwale ho amohela phodiso ya ka. Ke a e dumela.” Ho sa tsotelehe maemo a hao, ha o e dumela ruri, ema ka maoto a hao. Jwale phahamisang matsoho a lona, mme le re, “Ke a o leboha, Morena Jesu, ka ho mphekola.” Modimo a be le lona.



*Peo Ya Mofoka, Vol. 3 No. 6  
(Seed Of Discrepancy, Vol. 12 No. 5)*

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Mantaha mantsiboya, Pherekong 18, 1965, hoteleng ya West Ward Ho, Phoenix, Arizona, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 1995 ke ba ha:

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)